




10902

空同子集

卷之二十一

北郡李夢陽撰

東莞鄧雲霄徵瀚之巨卷校



詩類四之五 七言古

李進士醉歸圖歌 鄭生畫像歌

畫魚歌 林良畫兩角鷹歌

松牕讀易圖歌 鍾欽禮山水障子歌

贈郭氏畫登遊快閣歌

觀序上人所藏陶成畫菊石歌

題畫二首 張侯藏張暈山水歌

畫馬行 西湖春游圖歌

空同集 卷二十二

畫竹行 題京口人山水圖

題畫搖筆成詩 錢選畫張果圖歌

周文靜畫雪山圖歌

題畫送人還歛 壽兄圖歌 以上題詠

登天池寺歌 御製廬山周顛碑歌

遊棲賢橋歌 懷玉山歌二首

鐵柱引 快閣引

九江陸還南康 觀水簾泉歌 以上游覽

結腸篇三首 哀才公

哭新縣 觀燈行

歌

玄明宮行

石將軍戰場歌

乾陵歌

以上悲悼

康郎山歌

二十首游覽九首悲悼

右次題詠十首

人七言古五 九三十九首

題詠

李進士醉歸圖

誰將一幅雪白絹放筆橫掃黃金殿五雲飛花白片
片李生胡此開生面御河塵昏楊柳暮彷彿初罷南
宮宴 皇帝龍飛十二春同時三百登要津曹生李
生余最親曹甥李也傳經人光耀雖云丈夫末不聞

空同集

卷二十一

二十一

致君須致身自汝白手扣閭闔想像紫陌行騏驎曹
留李歸事亦變李生意氣圖中見醉歸扶起杏林下
眼花熟人無識者飛鳥來窺進士巾遊絲故習誇官
馬卽論此馬亦有神畫出紫焰方瞳真嚼勒齧膝如
待人長行大步不動塵絡頭鞵鞞純用銀細巧似織
翻江鱗汝昔出門驢無騎曹生共被茸鹽齋比許欲
入周召列成就耻與蕭朱齊於乎男兒一旦榮幸果
如此生不報國老空悔

鄭生畫像歌

巖風颯颯樹葉赤秋林紫氣丹丘積問君胡爲坐石

根微吟極望天雲昏南歸舟楫杳將滯故園花鶯當
復存浚儀張生好作筆貌爾形似兼其魂細模妍描
豈乏手傳真水月煙中柳意氣朗如千里骨精神合
居萬人首憶昨觀君飛射時彎弧走馬實男兒更求
張筆須傳此欲識豪雄豈啻詩

畫魚歌

呂公手持畫魚障清晨掛我北堂上島嶼晴開雲蕩
蕩衆魚出沒隨風浪四壁蕭蕭起寒漲嗟此數尺障
天機妙入神信手掃絹素慘淡開金鱗濠梁斷裂東
津遠任公掣釣滄溟晚此時天黑衆魚出鼉鼉徙穴

空同集

卷二十二

三

蛟龍返或言乘潮萬魚集細小亦赴雲雷入咫尺波
濤有得失崛強泥沙恐難立細觀又似洪河風崑崙
旣道龍門通霹靂般般行地中鯉眼下射盤渦紅非
獨一身生羽翼亦有數子隨飛龍山根小魚更無數
鱸鮪昂藏噴煙霧美人修竿淇水闊漁子孤舟洞庭
暮我生好奇古覽畫心不動呂公此障誰爲之令我
一見神色竦想當經營始筆端萬鈞力五湖齊傾四
海立空牕滾滾拔浪急陽侯逆走天吳泣不然千魚
萬魚何由集我聞神怪物變化不可料點睛破垣古
有兆卽恐風雷就壁起饜人揮刀莫相笑

林良畫兩角鷹歌

百餘年來畫禽鳥後有呂紀前邊昭二子工似不工
意吮筆決背分毫毛林良寫鳥祇用墨開縑半掃風
雲黑水禽陸禽各臻妙掛出滿堂皆動色空山古林
江怒濤兩鷹突出霜崖高整骨刷羽意勢動四壁六
月生秋鷗一鷹下視睛不轉已知兩眼無秋毫一鷹
掉頸復欲下漸覺颼颼開風毛匹綃雖慘淡殺氣不
可滅戴角森森爪拳鐵迥如愁胡背欲裂朔雲吹沙
秋草黃安得臂爾騎四驥草間妖鳥盡擊死萬里晴
空灑毛血我聞宋徽宗亦善貌此鷹後來失天子餓
空同集

卷二十二

四

死五國城乃知圖寫小人藝工意工似皆虛名校獵
馳騁亦未事外作禽荒古有經今皇恭默罷遊燕
講經日御文華殿南海西湖馳道荒獵師虞長俱貧
賤呂紀白首金爐邊日暮還家無酒錢從來上智不
貴物淫巧豈敢陳王前良乎良乎寧使爾畫不直錢
無令後世好畫兼好畋

吳偉松窻讀易圖

仄巖泉流石無數素壁濛濛起煙霧君家屋宇在城
市何以堂上生松樹側聞江夏生氣酣掃毫素絕筆
以雪拔地起意匠鑿整天爲怒泰山古根生眼前俄

頃縮出徂徠山懸蘿掛薜裊裊黑復有草舍松之間
牕間老人鬢髮禿手翻一編周易讀空山琴瑟翠濤
激長干冥冥暮花撲遠知旣已死希夷不復作青丘
石室杳何許恍然置我此溪壑翻愁一夕雷電入六
丁追書上寥廓又畫石下根屈曲如老龍胡奴暝踏
孤岩菘蓬頭赤脚露兩肘月明汲泉山澗中却憶前
年召畫師江夏吳生亦與之短褐垢臉見天子禮
貌雖村骨格竒帝令待詔仁智殿有時半酣被召
見跪翻墨汁信手塗白日慘淡風雲變至尊含笑
中官羨五侯七貴爭看面請觀此幅松舍圖黃金失
空同集

卷二十一

五

價連城賤吳生吳生太氣岸一言不合輒投硯

鍾欽禮山水障子圖

鍾子始學戴文進後來頗自出機軸山林槎枒波漫
靡骨格雖傳氣不足此幅樹石差可意綴得茅堂傍
江麓連山遠勢亦可取轉折頗似瀟湘曲竹嶼陂陀
九疑隔蒼梧洞庭濕雲白黃陵美人把瑤草天寒日
暮行空澤鷓鴣雙飛鴻鴈宿榭樹颯颯江水碧細看
谷口花又疑武陵源孤舟欲往不可得對此彷彿聞
清猿亭間更著四老翁衣冠各異鬚眉同紫芝山深
石漠漠悵望萬里來悲風人生有形貴自適我今胡

爲塵埃中觀盡感事面顏紅有畫如此何必工歌徹
目送滄洲鴻

贈郭氏畫登遊快閣

昨朝快閣舉目無江湖凭闌二豪俱徘徊把杯思欲
丹青寫之人則無城中郭清狂一生弄丸戲洪鑪方
瞳如水霜半顛展紙爲掃登閣圖邑城隱見林木扶
畫我快閣上半年風立樓觀孤急流波濤沸欲動前
山雷雨勢可呼二豪意態各亦足彷彿指說荆與巫
回顧東海猶一盃是日南風萬船集江隅郭亦畫出
檣之烏精密似跨北海杜筆力頗凌江夏吳江中流
空同集

卷二十二

六

雲西北徂又若萬里獨往朝京都我心與客方念此
郭能畫之真奇士

觀序上人所藏陶成畫菊石歌

陶生畫菊石潦草有筆力此石與此菊今爲亭公得
兩株徙倚石根前古石苔蘚屈連錢復有餘株散在
地平坡雜草青烟絲回株點綴花翩翩含姿弄態不
一足背向織襪皆可目突如大家貴介女珠翠雖搖
氣莊肅近時名手計汝和此生筆力方之過江東徐
霖學畫石效顰差勝王與何亦知神品多冥契下筆
巉巖拓高勢石磊磊兮菊漫漫清霜古路花斑斑遠

意頗類東林山東林昔築蓮花臺彭澤攢眉不肯來
歸家對菊獨銜杯序公叢林號白足不重蓮花番重
菊終然畫餅不充腹何如種向西山麓秋林寒芳采
服食煮石煉藥亦爲得愛鷹愛馬古有之不獨序公
何太息

題畫

雪城陰陰氣蕭瑟鄭生提畫來相訪面頰戚促意不
樂告我欲買南行舫覽畫指點色惆悵雨倒江翻拔
層浪君不見江上簑笠翁歸遲水逆憂天風

其二

空同集

卷二十二

七

江寒雨急莽無路漁人撒網乘煙霧魚蝦瑣細不直
錢汝休輕觸蛟龍怒展畫見此心中悲犯險覓利古
所卑只今風浪無晨暮爲問安流歸者誰

張侯藏張翬山水歌

張翬有名成化間大塗小抹成山水樹石燥硬筆意
古徃徃人間落片紙此幅羸淺色更枯或謂非翬出
其子張侯識鑒天下精物物如金見沙底爾家圖畫
千萬軸素壁高堂安用此寧知上智不滯物牝牡不
貴貴者骨尺山卽如對玄圃草屋臨崕氣出沒崕根
林堂頗清迥遠雲澹池開秋嶺霜蘿細紆巖檻暝昏

猿接掛花溪靜自從去年拋棄官夢想山遊駕江舸
見此拂衣便欲往攀緣轉玩情無那崕亭更著一人
坐斗絕看書樹婀娜張侯豪曠人共知敏捷言談皆
勝我鹽車鬱沒騏驎棄蹇拙逢時每相左崑崙洞庭
不我隔異時倘結煙霞果

畫馬行

嗚呼驂駟不可見世人任耳不任目玉勒金羈滿地
行可道中無千里足君收此馬畫者誰疑豪苦意求
其骨尺縑颯爽毛鬣動凌風似欲真馳突曹霸畫馬
無此精拂拭慘澹神氣生細觀決非近代物印押剝
空同集
卷三十一
八

西山湖春遊圖歌

騎出千人驚擒戎破虜任橫行

我家掛出西山圖上有西山下西湖上堂見者怒氣
麤問客何所怒何得生此嗔縱使撐天拄地無比倫
古人局量非今人罅間雖添可禿松孰與遠勢開心
胸銀山鐵壁 皇陵東彷彿下走追飛龍一曲一折
苦不易丁隣片素騰雲氣落花冥冥萬壑靜白日杲
杲千巖 森沉不見雷霆仗照爍盡壓金銀寺回思
開疆 秉鉞燕山突立五鳳闕錦繡離宮巖嶂入

龍驪水戲滄溟竭君不見輦道哀湍瀉松栢摧枯虎
出沒至今守僧住湖傍瑠璃湧動鼉鼉忙事關體統
畫合諱點綴半露還半藏伊昔休沐屢憩此耳邊尚
屢金琳琅上林花艷何所無東風只恁吹西湖夾岸
小杏欲爛熳騎驢紗帽西郭途同行康何感我徒祗
須十錢買尺魚旋挑土薺茸如酥朝來青暮望湖紫
衣行童隨挈壺大者鼓簧小吹竽爛醉花下鳥每呼
汝曹何處吾已翁十年獨看梁園紅傷心痛定忍復
說回首萬事真匆匆嗚呼故舊離合誰獨無使我不

悲堂上圖使我不悲堂上圖

來青軒名
望湖亭名

空同集

卷二十二

九

畫竹行

鄢陵王孫稱竹溪手自栽竹堂東西已詫白晝雷雨
入遽使六月秋雲低王孫拈筆傳竹神不得乃憶能
傳人黃筌異世與可滅本朝頗數東吳真一幅千金
擲不惜有時客來掛之壁壁上階前翠相射風行琳
琅曼摩仄四座慄慄生寒色陂陀沙嶼意勢遠洞庭
木落瀟湘晚白雲悠悠去不返叢篁寂寞雙妃怨於
乎畫形難畫心黃陵鷓鴣啼至今月不常盈日中昃
人生何必長悲吟堂有佳賓膝有琴美酒一酌還一
斟竹溪子斟竹葉歌竹枝醉據玉案吹參差左杯酌

竹右畫師李乎孔乎吾則誰更須名手畫六逸并畫
王孫逸爲七

題京口入山水圖

青山逶迤如北固山下彷彿京口樹茅堂花蹊三月
暮萋萋舊草春遊路一從畫師掃煙墨客堂日夜流
江色江色依微帶甕城遊子歸魂逗南北

題畫搖筆成詩

去年得歸離江州七日遂登黃鶴樓南風捲江浩呼
洶兀轟欲翻鸚鵡洲七澤莽昧不入眼孤舟屈曲襄
河轉數月已擲檀家湖夢飛每到羊公峴峴脚山南
空同集 卷二十一 十
東道樓秦川公子醉悲秋檻邊斑竹古猶活雲石寂
寞蒼梧愁重華馭遙不可叫白沙黑猿疎樹幽看圖
彷彿曾遊處素壁青天漢水流

錢選畫張果圖歌

張果者中條山人也武后聞其有道術召之果
遽死後復出往來汾晉間玄宗使李嶠齋璽書
造請焉果至舍集賢院詔肩輿入禁中間治理
神仙之事帝悅焉欲以玉真公主妻果果不從
辭還山果蓋剪紙驢乘之不則折收巾笥中而
錢圖故落於俗家今爲沔守李得矣

張翁紙驢真有無錢也何意傳其圖印記雖明幅斷
裂李侯完之亦奇絕所恨圖尾錢有詩就蛇添足將
無癡憶昔翁來集賢院入宮詔許肩輿便一日聲名
人主動千年面目吾今見帝貌深沉玉榻雄侍人一
異三人同漢皇信有瑤池降秦始枉慕蓬萊通玄言
未竟鈴殿風寸驢躍出青箱空有僮追捉雙眼紅此
驢蹶躄盤當中李侯一看一絕倒每稱獨苦嗟良工
細觀張翁骨格古徐福五利寧其伍曰嬪真令天下
疑遄歸轉覺皇心蠱長生殿前牛女辰廣寒仙桂舞
鸞身世間但識申師巧誰解中條放浪人

空同集

卷二十一

周文靜畫雪山圖歌

周生雪山世稀見遠水近水一疋練玉崕嗽嶮插湖
脚粉筆徐移掃高閣瓊枝鐵柯兩迴亞龍鱗犀甲歛
參錯林風颯颯急霰起白日冰花逐毫落天愁地慘
意各出霧合颺回勢逾惡人言四時冬最難周生善
雪仍善山虛堂突立萬仞壁尺素乍轉十重灣彷彿
寒封洛陽道得無白擁藍田關袁安其臥幾時起退
之遭竄終召還倚山亭亭一孤松仄崕峭壑盤其中
分毛聳榦一何傑畫者有意排嚴風君不見古來梁

棟必此物願君愛之頻拭拂

題畫山水送人還歙

黃山沙溪杳何許圖之山水無乃是軒轅宮宰相里
山人一出彌荆杞石林漠漠蹊徑苔霜鶴夜悲猿嘯
哀紅顏踪跡半湖海白頭覽畫思歸來溪頭繫一船
畫師本無意宛如倦游者無復舟航事水雲迤邐山
雲高靜定方知動者勞回思少日歡娛地至今夢寐
猶波濤

壽兄圖歌

猗嗟我鳳生三雛二雛成立少者俎爲巢抱卵兩不
易自挺獨立身羈孤兄旣躬耕濁河岸弟亦塌翅青
空同集

卷二十二

十一

雲途兒長女大願各足雞肥酒熟時相呼仲氏吹篪
塤者伯兄今六十我半百敢言意氣激賸俗要使紛
紛覩標格大梁張路固好手湖州生絹照眼白當堂
掉臂掃丹墨倏忽老面開生色盤松葳蕤雜花遠雲
屏石几文茵輒靈芝底出琅玕瓶蟠桃突磊琉璃椀
鶴行昂藏疑欲啄復綴山麋意逾宛大公烏紗微俯
身中心愛弟愛復親次公髦服青羅巾傍兄祇順情
性真壺陳爵設卽未舉儼如酬勸言辭諄其言伊何
懷二人飄風烈烈吹三秦銜悽西望道路阻高丘莽
杳狐兔隣又如自叙傷夙昔衰暮安寧思苦辛季冬

十日兄生日今日天開皎日出長裾珠履座上滿剥
斝椎牛酒盈室此時此圖挂之壁觀者嗟咨黯如失
二公揖遜恰相向回看乃在畫圖上骨法形神各不
疑輿臺緝御俱惆悵逶迤拂拭諸欲動展轉顧惜嗟
宗匠瓶中梅菊誰致女倒映芝桃故相盪鞞灼真回
綺席春芳香解溢金疊鬯兄今健飯猶廉頗丹砂我
煉尋黃婆復聞張生善山水買絹請掃青嵯峨嵯峨
一掃一千幅一年一幅南山歌

遊覽

登天池寺歌

空同集

卷二十一

十一

廬山絕頂天池寺鐵瓦爲堂白石柱傳言周顛勞
聖祖天眼尊者同顛住嶮絕下闕無底壑屈曲穿緣
惟一路頃屬秋晴強攀陟俯之四海生雲霧岷峨纍
垂西向我杳杳長江但東注君不見寺東崕石鐫竹
林穹碑 御製山之岑周顛胡不留至今周顛胡不
留至今虎啼日暮愁人心

御製廬山周顛碑歌

廬山絕頂白鹿臺上有 御製周顛碑石龜下蹲高
結螭天葩震烈雲漢回文古雨漢仍過之憶昔草昧
龍虎鬪黃旗紫蓋顛能知顛也似真還似癡 帝非

感悟寧用茲百年勢移功漸泯碑亭毀裂將及碑訶
持白晝鬼神泣光耀天陰雷電隨先朝雖允僧奏劄
修葺其如歸有司有司有司顛莫疑試看碑文碑後
詩

遊棲賢橋歌

雷泉峽激石龍從日湍山陷回光動吁嗟此壯觀萬
古誰爲開渦黃潭黑窈莫測秀黛碧玉何崔嵬人言
窟底有龍臥氣吐白晝常風雷去年重九登吹臺翹
望名山思嫋娜今年今日誰料吾醉踏窮山躡礪砢
拂衣欲上萬仞壁濯纓還就孤嵯坐秋風吹林猿狖
空同集

卷二十一

十四

懷玉山歌

懷玉之山玉爲峰四面盡削金芙蓉東峰破碎瀑布
落有潭十八龍爲宅山頭草堂開者誰斬木通道余
心悲白猿嘯雨巖竹裂石路上天風樹吹我聞龍乃
變化物羣然臥此龍何爲胡不滂沱惠下土一洗四
海無旌旗

君不見懷玉山山七盤盤盤上無極陰霾白日嗥洞
黑隆冬雨路誰來得稻田月池山上頭半天有地今
我遊石壇剝落古佛棄木落俯見東巖湫湫中巨魚
長如人紅眼射日翻金鱗天台桃源在何許采藥避
秦此處吾告汝

鐵柱引

豫章古城牙城南何年鑿井置鐵柱井深江通沒不
見時寒水涸始一露玩之非石亦非鐵孤立差牙若
枯樹人言旌陽鎖水母此語荒唐奚所據或云藉此
空同集 卷三十一
壓江濤茲理或有誰者勞顧今伏臘盡奔走歸美真
君瑤殿高金燈翠旗日來御雕闌玉檻圍周遭俗論
紛紛不須辨秋風日暮塵滿縣

快閣引

四月月圓登快閣天半晚牕雷雨入邑中上客攜酒
至歐陽羅子咸來集去年爲閣初築臺我時登之雷
雨來神明似有兩歲約晴霧歛值千山開千山迴轉
江中流徙倚闌干增暮愁夕日下看衡嶽破波濤左
顧匡廬浮苦思昨年生盜賊大江南接江之北烽火
遙連海岱紅綫雲眼見鄱陽黑斯邑洵洵今始安我

今對酒能不寬諸君稍減般移苦百姓新回種植歡
北風江湧月東來更說夙昔俱停杯陰晴倉卒不自
料萬事恍惚誰能猜潢池暫殄干戈釁向隅猶抱瘡
痍哀勸君置此勿復道放歌且與雲徘徊

九江陸還南康望東林

匡廬山北東林寺前年八月遊曾至只今馬出蓮峰
道西望東林但縹緲風吹榭櫟猿晝啼卻憶石門臨
虎溪舊聽石瀨尚在耳雷燒碑樹今應死

觀水簾泉歌

水簾瀑布人罕至二級背懸五老峰礧石嵯岬路險
空同集 卷二十二 六

溼深窟風草吟蛇龍自從開闢藏難見可憐彼瀑蒙
稱羨走勢天晴萬古雷流光壑暝常留電亂峰雲走
白日微翫罷催君及早歸鬼神忌才亦好靜恐有驟
雨霑袞衣

悲悼

結腸篇

李子曰結腸之事蓋予妻亡而有此異云莫妻
以牲烹腸焉腸自球結李子異焉曰胡爲烹胡
爲結恍惚神怪孰主孰使厥理孰測怨邪德邪
生有所難明死託以暴哀邪嗚呼嗚呼作結腸

篇焚妻柩前妻固識文大義或亦契其真懷也
哀者且停聲弔客坐在堂聽我結腸篇曲短哀情長
五月廿七吾妻亡厥明奠之羅酒漿其牲伊何殯與
年痛哉釜鬻結殯腸神靈恍惚心駭傷團圞肉毳出
中湯左迴右盤準流黃經緯纏糾文陰陽底形井字
圈兩旁翼翼彷彿雙鳳凰有綬在下纍而長上有提
襜五寸強汝乎無意豈爲此呼汝欲問魂茫茫十呼
不應百轉咽腸乎腸乎爲疇結

其二

結腸結腸忍更聞妾年十六初侍君父也早逝母獨

空同集

卷二十二

七

存爲君生子今有孫昔走楚越邁燕秦萬里君寧恤
婦人外好不補中苦辛中年得歸計永久命也百病
攢妾身言畢意違時反脣妾匪無迕君多嗔中腸詰
曲難爲辭生旣難明死詎知千結萬結爲君爾君不
妾知腸在此

其三

結腸三闋聲更咽汝腸難解我腸結夙昔失意共奔
走汝實千辛我蹌跌宕歸家定今稍寧豈汝沈寐遽
離絕魂乎魂乎游何方兒號女哭週汝旁劇心飲泣
看彼蒼愚者何壽慧何亡佇立逶迤若有望迫而卽

之獨空牀梁間二燕哺子急觸落青蟲汚我裳錦衾
塵埃委鴛鴦總帷中夜風琅琅魂驚夢搖中慘傷陰
雨啾啾燈無光嗚呼此曲不可竟爲君賡歌妾薄命

哀才公

正德己巳年作此公嘗薦余故有國士之感

仲冬東南天鼓鳴我軍滅胡功可成道之將行歲在
巳星落棘門悲孔明尚書頭顱血洗箭馬革纏屍亦
堪羨夷門野夫國士流痛哭天遙夜雷電

是月雷電屢作

哭新縣

是時新設萬年縣新民反覆殺副使李情靈寶

空同集

卷三十一

十八

人也

苦死可憐靈寶子有官十數同時死四路蕭蕭人斷
行一軍盡驚牀夜徙新民反覆誰不知性實虎豹佯
螻蟻白金綵段縱寬汝朝廷有問將何以

觀燈行

詳見夢華錄

宋家累葉全盛帝寬大實皆稱令主百姓牛馬徧阡
陌太倉米粟憂紅腐宣和以來遂多事嗚呼爛費如
沙土海后江花湧國門離宮別殿誰能數群臣諛佞
祗自計天下騷然始怨苦正月十四十五間有敕大
駕觀鰲山萬金爲一燈萬燈爲一山用盡工匠力不

破君王顏此時上御宣德門樂動簾開見至尊奔星
忽經於御榻明月初上堆金盆傾城呼噪聲動地可
憐今夜驚山戲窈冥幻巧百怪聚金蛾翠管堪垂淚
借問幸臣誰云是李師師外有蔡京與蔡攸夾樓錦
幄羅公侯丞相之幄當前頭奚兒腰帶控紫騮如花
少女擊綵毬但聞樓上喚樓下黃帕籠盤賜玉羞月
高鳴鞭至尊起幄中環珮如流水爭道齊驅輦路窄
寺橋窈窕塵埃白火樹龍燈又一時千光萬焰天爲
赤常言宴安成禍基從來樂極還生悲君看二帝蒙
塵日數月東京荒蒺藜

空同集

卷二十二

十九

石將軍戰場歌

清風店南逢父老告我已巳年間事店北猶存古戰
場遺鏃尚帶勤王字憶昔蒙塵實慘怛反覆勢如風
雨至紫荆關頭晝吹角殺氣軍聲滿幽朔胡兒飲馬
彰義門烽火夜照燕山雲內有于尚書外有石將軍
石家官軍若雷電天清野曠來酣戰朝廷既失紫荆
關吾民豈保清風店牽爺負子無處逃哭聲震天風
怒號兒女牀頭伏鼓角野人屋上看旌旄將軍此時
挺戈出殺胡不異草與蒿追北歸來血洗刀白日不
動蒼天高萬里風塵一劔掃父子英雄古來少天生

李晟爲社稷周之方叔今元老單于痛哭倒馬關羯
奴半死飛狐道處處驩聲噪鼓旗家家牛酒犒王師
休誇漢室嫖姚將豈說唐朝郭子儀沈吟此事六十
春此地經過淚滿巾黃雲落日古骨白沙磧慘淡愁
行人行人來折戰場柳下馬坐望居庸口却憶千官
迎駕初千乘萬騎下皇都乾坤得見中興主日月重
開再造圖梟雄不數雲臺士楊石齊名天下無嗚呼
楊石今已無安得再生此輩西備胡

玄明宮行

今冬有人自京至向我道說玄明宮木土侈麗誰辨

空同集

卷三十一

三十一

此乃今遺臭京城東割奪面勢創巖業出入日月開
幘幪矯託敢與天子競立觀忍將雙闕同前砣石柱
雙螭龍飛梁透迤三彩虹寶構合沓殿其後儼如山
嶽翔天中金銀爲堂玉布地千門萬戶森相通光景
閃爍倏忽異雲煙鬼怪芘昏濛以東金榜祠更侈樹
之松檟雙梧桐溟池島嶼鯉躍孔雀翡翠兼罷熊
那知勢極有消歇前日虎豹今沙蟲牕扉自開衛不
守人時遊玩搖玲瓏陞隅龍獸折其角近有盜換香
爐銅青苔生泥鏡面鎖野鴿哺子雕花籠憶昔此闌
握乾柄帝推赤心闡罔忠威刑霹靂縉紳毒自尊奴

僕侯與公變更累朝意叵測培克四海真困窮長安
奪第寒巷陌心復艷此闕何蒙構結擬絕天下巧搜
剔遂盡輸倖工神厥擇木內苑竭官阮選石西山空
夷墳伐屋白日黑揮汗如雨斤成風轉身唾罵闕得
知退朝督勞何匆匆人心嗟怨入骨髓鬼也孰復安
高崇我碑照耀頌何事或有送男充道童聞言愴惻
黯無答私痛聖祖開疆功渠干威福開者誰法典雖
嚴柰怙終錦衣玉食已叨竊琳宮寶宇將安雄何宮
不鏤護敕碑來者但看玄明宮

康郎山歌

空同集

卷二十一

二十一

君不見康郎山屹立東湖中波濤撼蝕山脚塌破廟
枯木常烈風芒碭草昧赤帝出揮劍遂使凡蛇空卧
榻之外事亦小萬方有罪惟朕躬美姬寶玉歸御幄
浮屍蔽江江水紅發踪劉陶固其力死戰難言非數
公秦人枉哭嶠函瘞漢祖輕酬垓下功至今有廟此
山側天陰雨濕時見朱旗白馬光如虹

乾陵歌

武后陵黃巢伐之
事具雲航膚見

九重之城雙闕峙前有無字碑突兀雲霄裏相傳翁
仲化作精黃昏下山人不行蹂人田禾食牛豕強弩
射之妖亦死至今剝落臨道傍大者虎馬小者羊問

此誰者陵石立山崔嵬銅鐵錮重泉銀海中縈迴巢
也信力何由開君不見金棺玉匣出人世薈薇冷面
飛塵埃百年枯骨且不保婦人立身何草草

空同集

八

卷二十二

七

空同子集

卷之二十三

北郡李夢陽撰 東莞鄧雲霄欽潘之恒蒐校

詩類五之一 五言律

郊觀齋居東邊喬二太常

郊壇值雪

西天門候祀

恭陪郊祀紀成

郊祀以病不與

卧病酬邊君天壇步月見懷之作

大行皇帝挽詩三首

候輓

望 恭陵

謁孔廟

益王頌

空同集

卷二十三

壇祀酒會

右次大禮一十四首

驪山

橋山

匏子

朱遷鎮

朱遷鎮廟

峴山

鹿門山

冬日仁和門外二首

今娑墻

始謁徐祠

徐墓書張相國碑銘

陳祠在徐墓東

韓文公祠

武陵郡公祠

徐蘇二祠

鵝湖書院

右次懷古一十七首

九日黃花鎮

九日應變齋居

九日慈恩寺閣二首

生日寫懷

十二月十日

臘日退朝口號

七月十五月食不見追徃

月食

元日汴上雲霧

清明河上寓樓獨酌

庚午除日

辛未元日

空同集

卷二十三

中秋南康

廬山九日

上元滕閣登宴二首

九日薛樓會集二首

清明曲江亭閣

端午贛州晚發

南康除夕

南康元夕二首

元夕風起南康

乙亥立秋

中秋二首

戊寅元夕

中秋喜客携酒見訪

十月月食不見

己卯元夕

庚辰清明東郭

九日上方寺二首

至日夜雪

癸未中秋不月

乙酉上元上方寺

丁亥立秋

中秋亭會

戊子元夕

己丑五日

五日莊上集

明遠樓春望

宜春臺春望

謝巖秋日始集

秋望

古城春望

東陂秋泛三首

春晴野寺和李大

城南夏望和王相國

春日臺寺

春日漫成

春宴二首

疊前韻二首

空同集

卷二十三

三

丙戌中秋召客賞之以雨多不至者

丙戌十六夜月

右次時序六十二首

五言律一

大禮

郊觀齋居東邊喬二太常

人日過仙院春霞縹緲分碧回瑤澤草紅綻藥官雲

獨處依松樹清齋對鶴羣桃源知並入惆悵不逢君

郊壇值雪

鳳輦連宵發鷄鳴雪滿巖巖隨黃鉞至清繞翠華飛

伏謁深沾珮朝回半濕衣懸知清切地冲默迓天威
西天門候祀

理壇暮雪盡月出禁門西地靜鳴珂碎沙寒簇仗低
臺官移斗柄衛士掃雲梯遙識龍文氣爭傳法駕齊
恭陪郊祀紀成

御氣三更合君王在闕宮燎煙凝碧落輝月起微風
上帝居歆夕文王陟降中諸壇嚴從幕元祀報成功
侑食珪璋潔登歌玉磬同神旋仍醉飽萬舞向春空
郊祀以病不與

端月溫風至圓丘瑞霧多開壇洽百禮伏枕想登歌
空同集

卷二十三

四

日月春旂閃雷霆晝輦過年年覲上帝只爲乞民和
臥病酬邊君天壇步月見懷之作

霽夕開芳甸祠官悵獨遊銀潢橫殿落璧月抱壇流
漢時饒煙霧秦城逼斗牛甘泉詞調絕疲病若爲酬
大行皇帝挽詩

弘治十八年五月

午門朝遂罷西殿臨眞哀淚滿乾坤暮日黃風雨來
虎賁猶宿衛龍馭幾時迴莫測皇天意中崩帝業摧

其二

大訓文華踐英謀武範遺先朝無顧命大漸問班師
上食金輿備移宮素幔空向來激切䟽優渥小臣知

元老炯仍在退朝無昔呼聞階惟玉輅夕日已金鋪
望幸霓旌遠埋靈山殿孤君看霜露節冠冕灞陵趨

候輓

冬月初圓夕含悲候輦東閣門猶警蹕松栢已新宮
象衛悲風入龍旂白霧中有髯渾欲挽雲墮鼎湖弓

望泰陵

昔臨園西內悲風入紫冥今來松栢望斜日泰陵青
殿起雲煙入龍遊劔璽局萬國今多難孤臣涕倍零

謁孔廟

空同集

卷二十三

五

端笏陪朝列時禋謁聖林戟門留石鼓春殿靜珠棐
奎府星連切璧池龍躍深洗洗趨國子早晚翠華臨

益王頌

憲宗王子益府實稱賢體統朝廷半敦崇德業全
書堂斜晝日琴殿淨秋煙問寢還英嗣時研世子篇

壇祀酒會

齋居新宴合桂裏戟門開鴈赴龍旌到蛩喧羯鼓催
松筠分曙色劔珮接行杯日上雲霞散驂驪羽騎迴

懷古

驪山

繡嶺花仍繡湯泉滿故宮禁池人自浴新月古應同
玉殿興亡後青山涕淚中千巖歌吹入猶想翠華東

橋山

青宮棲古岑白露靜松林忽下烏號淚遙悲龍去深
衣冠萬國後轍跡四方心一氣流羣帝哀哉笙鳳音

瓠子

沈璧餘瓠子橫汾懷帝歌波濤滿眼送城郭没年多
虎戰仍三晉龍遊失九河宋人饒事蹟今望亦滂沱

朱遷鎮

水店回岡抱春湍滾白沙戰場猶傍柳遺廟只棲鴉

空同集

卷三十三

六

萬古關河淚孤村日暮笳向來戎馬志辛苦爲中華

朱遷鎮廟

宋慕莽岑寂岳宮今在茲風霜留檜栢陰雨見旌旗
百戰回戈地中原左社時土人嚴伏臘偏護向南枝

峴山

大名終不滅墮淚此山碑後進才非乏風流爾足師
古堂陰漢水新路改城池回首隆中接秋雲兩處垂

鹿門山

龐公真漢隴孟子復唐詩舊宅新秋葉孤墳千載遺
泉裊石穴細葛倚松門垂望望青峰近吾襟曠爾期

冬日仁和門外錢云門在大梁

寂寞何王殿遺墳此徑孤玉階
峯雪草野日自金鋪
廡暝牛羊聚林風鳥雀呼
白頭香火者猶護赤龍符

其二

二塚纍纍接聊城復定安

二王世絕

情哀宮獨盛世異相

同殘久雨石門場新霜帷殿寒
西陵時節望誰見綺羅歎

令婆墳

國初掄秀嫗分遣入周宮
但覩丘墳鬱寧知乳哺同
後王忘昔日頽屋鎖春風
寒食鶯啼切林花落自紅

空同集

卷二十三

七

始謁徐祠

予問何不用木主守者曰有像則人起敬

廟古傍湖偏春行更可憐
楚城芳草徧紅日此堂懸
榻想陳公後時悲孝獻
前亦知遺像誤瞻拜淚油然
徐墓書張相國碑銘

不讀南州傳誰知高士心
江城遺塚在春日古祠深
竹鳥嚶嚶合松墻靡靡陰
曲江千載碣書罷淚盈襟

陳祠在徐墓東

可訝司徒廟偏隣孺子墳
哲人堪一哭漢鼎竟三分
門引江畔草榻留松上雲
紛紛車馬客誰此薦清芬

韓文公祠

袁州山在城韓廟倚山清冕服前朝貌文章百代名
石苔猶馬路春竹自鶯聲立望潮陽近翻翻海氣征

武陽郡公祠

惠愛前人蹟追思後代心洪都觀察廟香火古江潯
白日江上過青松霜露深亦知精爽異應厭鼓鼙音

徐蘇二祠

孺子真高特雲卿崛後先揮鋤傲漢冕跼屨臥江烟
寧飮糟糠畢耻同貪濁全淒涼百代宇悵望一潸然

鵝湖書院

書院佛堂邊頽垣嶺谷連四時僧洒掃千古儼高賢

空同集

卷二十三

八

立壁東萊毅懸河子靜偏衆流終一海流淚考亭前

時序

九日黃花鎮

黃花遇九日風雨不逢花水湧石梁斷溪吞山郭斜
將軍午宴客欲醉忽聞笳困苦墩樓卒經年誰見家

九日應變齋居

時變逢搖落齋心對暮天未擒可汗日新起秦陵年
聽鴈真無那看花益泫然將歸思臨水愁絕宋生篇

九日慈恩寺閣

寶地元依海珠林更假山登臨重九遇城闕五雲還

歌吹喧侯里邊烽入漢關望鄉歸未得能對菊花斑
其二

敕寺四圍湖秋林層閣孤天空木更響風落帽還扶
魚群梁下躍鳥影鏡中趨泛菊看山海寒烟暮有無
生日寫懷

臘日明朝是浮生此歲過黃雲薄暮積白髮向來多
壯士看雄劍幽人戀薜蘿異時論出處竊慮各蹉跎

十二月十日

今日吾兄壽蕭條自舉觴燕山非故里汴水亦他鄉
河鯉行思海原翎飛畏霜客居憐小姪潛望白雲長

空同集

卷二十三

九

臘日退朝口號

霽色催寒臘鷄聲下紫宸至尊深抱戚粥食罷嘗新
宮霧戎戎薄城鴉款款馴小臣憐歲序翹首待陽春
七月十五日食不見追往有歎

月食今年再中元與上元春晴燈火亂秋暝雨雲繁
漢將高城壘胡塵滿塞垣孤臣萬古淚偏灑泰陵園

月食

有明終不減暫掩亦何虧萬國喧呼地三更鼓角悲
輪生桂與發光復免還隨顯晦每如此人生祇自疑

元日汴上雪霽

旭日薰江檻晴雲麗竹扉簷花雪色靜庭篠碧滋歸
歲月高見女行藏老蕨薇眼看人共醉椒酒不堪揮
清風河上寓樓獨酌

一自違京邑飄飄歎此遊桃花是往歲竹葉轉新愁
暮雨津城樹春帆水國樓汴河堤上柳烟色似皇州

庚午除日

于今將四十始悟昔年非白髮誰能那紅顏我漸違
行藏沙上鳥日月故山薇悵望勞歌起風河柳色歸
辛未元日

萬事渾如昨蹉跎四十臨取塗傷老馬聞道愧前禽

空同集

卷二十三

十一

日變風雲氣春生海嶽陰趨時聊物賞此外更何心

中秋南康

同是中秋月匡廬只自看故臨石鏡上偏傍落星灘
北望關山隔南飛鳥鵲寒鳳歌喧太液光憶滿長安

廬山九日

廬山隨晚坐江漢爭秋襟九日黃花雨書堂紅葉深
細雲飄古帙寒兕吼空林不用風吹帽尊前有靜琴

上元滕閣登宴

滕閣上元宜章江登宴時衣冠還大國唐宋自殘碑
燈火闌堪凭風塵淚欲垂黃雲驅日暮回首見征旗

其二

陽浦通新霧陰城帶古樓君王罷歌舞棟宇白雲留
草色歲年換客心江水流暮昏仍一望燈火萬家州
九日薛樓會集

不倦登樓日遙憐秋色重楓村疊暗浦霜日抱孤峯
楚越窻中地江山戰後容倚闌渾不語吾欲採芙蓉
其二

恰送重陽目能禁孤鴈來林稀山盡出風順櫓齊開
况是薛樓會難孤江上杯菊芳看莫厭秋色異鄉催
清明曲江亭閣

空同集

卷二十三

十一

寒食花爭麗豐江柳獨深此行元慷慨落日更登臨
浩蕩五湖際風煙千里陰坐看舟楫急徒切濟川心
端午贛州晚發

戲倦龍舟返吾驅彩鷁行晚天開古驛轉眼過孤城
嫋嫋雲生瀨悠悠弟憶兄泛蒲雖念我寧解嶺邊情
南康除夕

畏途值除夕會我得投閒海雪寒城古江春碧草還
星河掛嶽樹燈燭慰歸顏竊計臨家日薔薇滿舊山
南康元夕

四海逢今夕孤城有獨身干戈猶野哭梅柳自江春

月向平湖滿，澄於靜夜親。
罷誼風乍起，嗟爾楚南人。
其二

嘈嘈市鼓動，松月靜吾門。
燈火思今夜，風光滿以園。
天明淹舞袖，塵暗失游軒。
老鬢江山異，愁看苾旆繁。
元夕風起南康

嶽雲黃裊，夜半忽淒風。
度市春燈亂，穿梅野樹空。
人依青岸酌，月漾碧湖中。
擬盡江城賞，無欺蠟炬紅。
乙亥立秋

今日秋風起，連年濕病蘇。
應時微雨歇，侵曉斷雲徂。
已復寒蟬集，空嗟蕙草孤。
步檐驚驟健，一葉下庭梧。
空同集

中秋

卷二十三

十三

漢江江上月，今夕去年看。
尚憶峴山曲，秋城波色寒。
故鄉仍節序，衰鬢且儒冠。
桂子真誰種，天空落未乾。
其二

輝輝衆星沒，宛宛孤輪高。
萬古今宵月，青天首自搔。
度閨螢息照，懸樹鳥分毛。
寂寞枚乘筆，空懷八月濤。
戊寅元夕

春色閨冬後，元宵驚蟄邊。
軟塵欺月散，繁火奪星懸。
車馬中原地，笙歌全盛年。
無勞驗花燼，難測是皇天。

中秋喜客携酒見訪

節有吾家會天能此夜陰蟾蜍逐月沒桂子落雲深
同是悲秋客况懷天柱心引盃光欲閃徙倚向東林
其二

雲出眞誰料月行應自如闌然花逕裏忽狂故人車
落葉近坐滿清光中夜舒杯來不須却此意合躊躇
十月月食不見

頻食天應苦當宵地故陰悲生十月雨狂阻萬方心
武解香燈聚霜林鼓角沈復光何處滿願逐翠華臨
已卯元夕

此夜門還閉中天月自看春催桂應發雪映兔猶寒
空同集 卷二十三 十三

兒女添鐙鬧鄰家品笛殘少時思可笑走馬向更闌
庚辰清明東郭

少日歡游處逢春老大悲強持盃酒勸怕遣落花隨
草木梁園在山河宋殿移上墳人盡返岐路獨含思
九日上方寺

賞時爭上塔乘月復登臺地盡中原入天空秋色來
望鄉番恨鴈有菊且銜杯却憶龍山帽徒增醉者哀
其二

天地踈秋色樓臺敞客歌遠江寒自白落木晚堪多
月爲銜杯出鴻於鳴磬過霜橫不歸去吾意在烟蘿

至日夜雪

至後還深雪幽心獨小堂光雖奪片月寒恐妬微陽
壓竹寧迷翠沾梅祗辨香一聲何處鴈翅濕且高翔
癸未中秋不月

碧桂行青鳳嬋娟集玉樓世人寧解覩天意漫陰秋
雲逼初光布星隨滿夜收開晴卽是月但遣一尊留
乙酉上元上方寺

地愛僧林僻人邀燈節游緣慳朝借馬改路晚登舟
春水鳧鷖滿夕陽鐘磬幽相留待明月簫鼓在中流

丁亥立秋

空同集

卷二十三

十四

火多常病熱殘暑特相欺今日涼風至颯然林竹披
聞鷄每起早省稼獨歸遲天地蕭條意何須一葉知
中秋亭會

老去真耽月更深且醉遊影沾如畏露光冷是分秋
蛩故吟清酒蟾應笑白頭恒星藏不見坐待彩波流
戊子元夕示曹甥

皎月臨元夜和風入始春過冬猶望雪思世轉愁人
歌館喧鳴鼓遊車匝暗塵黑頭宜努力吾鬢已如銀
巳丑五日

往歲沾官扇含香拜玉墀只今飄白髮刈麥向東菑

樹樹鳴蜩日家家望雨時萬方多難意誰達聖明知

五日莊上集

園桂日佳色黃鸝時巧音美人翩紫馬携酒入花陰
艾席鋪能坐蒲觴乾自斟蜩鳴雖頗聒流轉是天心
明遠樓春望

貢院初開閣春陰獨倚欄柳邊千艦聚花裏萬家殘
風雨江聲壯兵戈地色寒斷腸沙鴈北群起向長安
宜春臺春望

古州圖記見今望臨高臺人倚楚天盡風驅湘色來
密雲生曉暝遠水上春雷尚有干戈淚馮軒眼倦開
空同集

卷二十三

十五

謝巖秋日始集

百戰江山在吾來草木秋孤城洞口落襄水席邊流
去國雙王粲題巖只謝侯醉歸憶山簡飛興習池頭
秋望

蝶戲猶餘藥蟬吟已怯枝乾坤入漢日霜露望鄉時
屈子偏生楚王通不負隋晚楓江更苦莫上峴山祠
古城春望

陰陰日欲暮迢迢春望稀野色吹寒立林鴉逆雨歸
孤城遠麥秀白首且花飛臨路長楊嫋前朝今是非

久說東坡好今陪上客遊綺筵開畫舫哀笛奮中流
舞每低輕燕歌先起白鷗稍前休更進吾愛荻花洲

其二

水寺通人少松亭隔芰荷問僧舟暫艤登岸酒同過
草木秋風入湖山晚色和返橈須痛飲前路滿漁歌

其三

進艇晨烟碧回橈晚日黃宿禽喧亂葦饑獺竄空梁
放浪形骸得牽纏世路忙要君待明月此水是滄浪
春晴野寺和李大

野闊愛春幽新晴見寺遊立僧當徑望融雪向門流
空同集

卷二十三

十六

淨色悲諸界浮生晒一丘憐君厭囂俗行處卽滄洲
城南夏望和王相國

散步郊南望雛鴉欵欵飛園林惟草色時序已絺衣
試粉蓮初膩殘香棟乍稀亦思河朔飲無奈賞心違
春日臺寺

寺僻春還麗人閑午任遊行隨碧草遠話爲老僧留
池竹晴常潤龕花晚更幽塔端兩巢鶴怪爾亦優游

春日漫成

豪真欺酒綠老每厭花紅人事年年異春風物物同
雲霄猶旅鴈時序又新菘潦倒元吾分金尊莫放空

春宴

物與吾何異春隨地不同游歌盡墨客亭榭半花風
身世一杯外山河雙眼中無言時未夏已報石榴紅

其二

老爲春憐酒閒將客問花檻楊晴故雪堦藥晚能霞
地與歌鶯轉人爭舞燕斜但來須共醉莫使負韶華

疊前韻二首

昨與君游處今來訝不同早荷浮嫩水夏樹起初風
人醉孤亭上禽鳴萬竹中興深天亦助斜日片雲紅

其二

空同集

入卷三十三

十七

舊徑添雙樹新叢試一花春風逗笑語落日變雲霞
圃色隨人遠樓陰趁酒斜誰知在塵境遽爾隔紛華
丙戌中秋召客賞之以雨多不至者

隔年期月易一夕借光難秉燭筵非改登樓客不懼
竹風秋聽力松雨夜留寒天柱峰頭色應還似畫看

丙戌十六夜月

是夕微雲中天遂朗因憶往時京華賦詩有清

聲桂闕一分影寒落江門幾尺潮之句人多傳
誦彼吾少俊今遽老醜并前詩忘之矣亦以集

未收或

月豈無晴夜天終有散雲微微透今夕朗朗至宵分
鏡展池波暈珠明草露文呼兒暖餘酒酌罷一鴻聞

空同集

八卷二十三

十八



空同集卷二十三
空同集卷二十三
空同集卷二十三

空同子集

卷之二十四

北郡李夢陽撰 東莞鄧雲霄欽潘之恒蒐校

詩類五之二 五言律

古意

賞遊

客散

遊兵

省中春暮

觀雪省中暴雨

聞砧

旅夜

除架二首

詠史

望極二首

定居

歸沐

春日大梁東郭

空同集

卷二十四

雜興

登臨二首

雨後朝望

早春繁臺

早春南郊

郊行

時事

被繫國境眺望

下吏

獄夜雷電暴雨

獄夜

南征

野戰

野泊

舟中病感

安仁聞夜哭

得家書

報生孫

徐汭風阻雨雪四首

徐汝阻舟七日

湖夜泛

廬山冬至聞雷

雪夜廬山翫月

南康聞還山之報

江州雨

霽

七夕宜城野泊逢立秋

撥悶單園

野風

早起

繁臺歸集

繁臺歸興

正月十六日赴吳莊之宴二首

早春赴鮑相之飲
初春飲大道觀因題

宿江氏莊

題壁

空同集

卷二十四

二

春日余莊感舊二首

雨過

雷電

喜雨客會

晴

曉

早起莊上

莊上晚歸

新秋夜興二首

深秋獨夜

郊園省水二首

余園春日

河上秋興十首

閒居寡營忽憶關塞之游遂成七首

夏夜

寄書

春宴

熊子河西使回二首

汴城東樓夏登二首

田園雨蕪客過三首

大道觀會飲三首
人折牡丹見贈賦之

客至二首
東園偶題

南莊塘水淥漫補治小舟乘興泛遠數迴

月槐之下與程生談亦念其夏遊自去歲二首

秋雨
聞鴈

喜雪
嘲雪

雪晴
暑夜

右次感述一百一十七首

空同集
卷二十四
三

五言律二

感述

古意

內廡飛龍馬君王賜玉鞭長鳴彩仗下立在紫羅先
放逐緣何事飄零竟不旋如蒙敝帷顧萬里爲君前

賞遊

王者化無外玉門開至今笳閒青海外馬放白登深

漢將收金鼓胡姬弄玉琴宮中花月夜那稱賞遊心

客散

尊傾客自散而我臥空林五月涼風至孤村細雨陰

竹蘿垂野逕花草澹幽襟夢醒聞遙唱依稀楚鳳吟

游兵

聞道新開口游兵未解圍只須殊死戰莫放隻輪歸
漢月已自滿林鳥常夜飛早將書插羽天子日宵衣
省中春暮

禁漏煙花北分曹御苑西高林落日盡幽院集鴉齊
豈貴浮生趣常便靜者棲坐憐春事晚庭草日萋萋

觀雪省中

省葉辭寒盡庭花向暮飄黃雲變玄朔萬里入層霄
灑地紛紛密凌虛脉脉遙北風聊可詠携手不堪謠
空同集

卷二十四

四

聞砧

逸響綠雲起清砧入暮繁秋風吹落月萬戶更千門
寧知寄遠意不盡搗衣魂早晚逢西使流沙隔塞垣
旅夜

百卉已蕭索哀蛩胡未休寒天清渭樹落月故苑樓
古人猶涕淚吾意豈公侯誰誰南去鴈漂泊向何州

除架

種豆高於屋垂瓜忽滿庭根深歷夏茂蔓弱望秋零
猥雜沉霜露縱橫礙月星斧斤呼稚子欲伐幾回停

其二

炎時忻密葉寒至怨多陰自是衰榮理非關愛惡心
伐條近陽月開牖散秋禽但能存碩果無用歎蕭森
詠史

霸王雄圖並淒涼世徑分鯨鯢赴巨壑鷹隼失高雲
難折朱雲檻休嗟袁紹軍當時干帝紀一一動星文

望極

望極雲天黑關門落葉深古城饑雀啁長路斷蓬沉
發婦登樓思孤臣去國心此時看故壘何處不沾襟

其二 其次

漢末忠良顯英名李杜齊伏機翻自中倒柄爲誰携

空同集

卷二十四

五

碧海鯨鯢鬪蒼林虎兕啼南州徐孺子何事獨栖栖

定居

故業秦山北新居梁苑西平生一丘壑何處竟安棲
玄豹終隨霧神龍或困泥向來登眺夢常繞杜陵溪

歸沐

歸沐謝人事翛然悲俗情陰陽爭歲色江海蓄春聲
自委青雲懶那教白髮生君看少年者騮馬盡飛纓

春日大梁東郭

桃柳清沙晚悵然悲遠春葉明深坐鳥花劇轉愁人
少小追懽地乾坤放逐臣已看共如此何惜醉遊頻

雜興

衆木依繁塔，吾亭俯蔡河。側思雲驥渡，不忍黍離歌。
窓裏遊天地，春前種薜蘿。養生誠計拙，冥寂保天和。

登臨

屏迹良吾性，逢辰每壯心。花含向日霧，柳變隔年陰。
行坐自芳草，依棲還舊林。高樓出迥絕，無日不登臨。

其二

春燕不巢屋，國祥徵至今。孤城四戰地，斜日兩河陰。
岸坼陳橋斷，花開宋苑深。河船不入渭，那慰望鄉心。

雨後朝望

空同集

卷二十四

六

半夜雷驅雨，清晨草映空。起看南什樹，知是北來風。
宿霧籠初日，晴天滅斷虹。劇心時序晚，遮莫傅巖功。

早春繁臺

泯泯春猶早，行行賞不違。柳黃沙際見，草色雪中歸。
積水生雲氣，孤城下夕暉。誰禁臺寺望，北鴈又將飛。

早春南郊

正月郊南路，獨行吟早春。冰霜猶在眼，柳色暗隨人。
直道元通蔡，層山故蔽秦。浪遊今短髮，凝望欲沾巾。

郊行

午雪融村溢，春沙引騎紆。田禽忽自起，水鶴會相呼。

歌馬時傍柳逢花自倒壺醉眸橫落日寂寞宋京都
時事

幸觀三春媚畚增兩鬢華賊來當白晝風起但黃沙
碧甍依墻竹紅殘拂檻花寄言寇盜者四海尚爲家
被繫國境眺望

亦知塌翼鳥豈意尉羅求萬里勞明主孤臣淚暗流
臨京花更苦近苑柳偏愁愧爾雲間燕銜泥向玉樓

下吏

弘治辛酉年坐榆河驛倉糧乙丑年坐劾壽寧
侯正德戊辰年坐劾劉瑾等封事

空同集

卷二十四

七

十年三下吏此度更沾衣梁獄書難上秦庭哭未歸
圍墻花自發鎖館燕還飛况屬炎蒸積憂來不可揮
獄夜雷電暴雨

一雨暮何急孤眠宵未央疾雷翻暗壁落電轉空梁
勢急千山動光還萬里長天威終不測魑魅可潛藏

獄夜

簷景栖栖落臺居黯黯幽鼠緣爭果墜螢過隔衣流
幸竊餘光照那蠲多穴愁亦知廣川子跼蹐爲春秋

南征

暑行心日煩孤馬背中原地勢吞淮泗山形包鄧樊

沿途官柳接吟葉麥秋繁赤日蒸雲夢科頭思故園
野戰

盜賊乾坤滿縱橫野戰悲隨城嚴戍鼓平地有旌旗
樹燕閒相逐垣花寂自垂諸君大河北捷報幾時知

野泊

遠電明江夜官舟野泊稀山鍾天外落林火雨中微
水立黃龍鬪沙霑白鷺饑平生萬里志可奈夢西歸

舟中病感

寒望舟中遠鄉心病後多萬山通越水孤棹雜吳歌
霜已丹楓甚吾如白髮何倦遊常藥物歸思繞關河

空同集

卷二十四

八

安仁聞夜哭

縹緲因風訴哀哀何處音聲隨落月斷聽入過雲深
轉戰增新鬼誅求損衆心懸軍今更急寨滿碧山岑

得家書

隔歲纔通此一書真萬金時危作宦久家遠戰場深
慘慘屯黃霧紛紛走綠林怒來思擊楫時有渡江心

報生孫

強仕今爲祖家書昨舉孫行藏三代具生養九朝恩
長佷修蘋藻愚從喚犬豚見時應解笑先夢繞夷門

徐汭風阻雨雪

風急江船絕年殘野色凝密雲寒夜拆流霰灑舟燈
四望湖天黑孤吟羈思增傍村有夫婦對火綴魚膾
其二

南雪竟爲南北風增野寒漏船喧夜語難濕攪晨餐
轉苦人煙絕生憎鷗鷺乾吾行尚濡滯估舶爾應難

其三

阻舟江柳下信宿五湖中立水偏吞雨飛沙半逆風
夜檣扶岸集漁火亂波空信有悲懼異應知易地同
其四

常年遇泛客煞厭說風波雨雪空江夜伊予悲慨多
空同集 卷二十四 九

沙人荷傘至灘鳥掠舷過幸及投簪會山中有薜蘿
徐汧阻舟七日

七日北風阻野灘舟不行僕奴增餓色妻子話征情
疎霰欺簾入流澌逐浪生獨吟江更苦詩罷欲三更
湖夜泛

煙湖迴不極搖搖中夜征棹發魚龍動人衝鴻鴈鳴
雪月物意慘雨天寒色生共有舟航事誰深途路情
廬山冬至聞雷

小至匡南雨空江此夜雷及憂羣蟄動急恐萬山摧
盜賊時事苦陰陽歸思催征鴻莫遽起擬爾非同迴

雪夜廬山翫月

廬山萬古月幾度雪邊明影傍素林滅層隨寒浪生
殺巖疑有缺侵鵲暗須驚轉恐羣星妬冰壺獨自行
南康聞還山之報

傅玄非侮世陶令合辭官客路青陽逼歸心白髮寬
江城消雪送春鴈倚舟看自此茫茫去都門昨挂冠
江州雨

潯陽困李白吾寓亦江州地轉濤聲逆城空山氣流
二儀風雨積雙鬢古今愁去鳥衝煙白偏迎故國眸
霽

空同集

卷二十四

十

日霽催江色心攀作楚氓褰帷二載過歸劔五湖情
霜換溢溪葛林遷栗里鶯忍看復新月廬岳夜猿鳴
七夕宜城野泊逢立秋

漢江天上水牛女世間宵自動鼉鼉影誰傳烏鵲橋
孤城古塞月一葉楚門潮君看西流火分明奪斗杓
撥悶覃園

秦客楚山北秋園古堞西野風吹萬木禾徑臥孤麕
江漢歸舟迴關河落日低可留吾便醉爲愛白銅鞮
野風

山鳴野風至漢水白蕭蕭月混魚龍醒垂蒸豺虎驕

有家驚節物不寐想前朝萬古英雄跡江城夜寂寥
早起

炳燭搖襄水開門認楚山風雲慘淡曙天地有無間
露益他鄉白秋隨老鬢還飛來何處鶻逸翻繞江關
繁臺歸集

萬里竟何事三年違此都短墻殘菊在別業古臺孤
冬日低簷塔霜風靜野蕪但看頭盡白莫恡酒重沾
繁臺歸興

臺榭歸來地江山戰後心城空猶慕馬樹在只棲禽
看岳晴偏近俯河寒更深風沙日日起梁父爲誰吟
空同集

卷二十四

十一

正月十日赴吳莊之宴

林臥百無事出城緣底希人初正月會春已柳條歸
就日蛛垂戶開尊蜂坐衣不知農話久天地一斜暉

其二

爲赴吳莊飲因成禹廟遊住車驚草綠坐石有雲流
落日銜春嶠飢鴻集暮洲已拚頻載酒展轉問花丘
早春赴鮑相之飲

憐女一尊酒要予千古臺年從碧草換暖向玉杯來
海日連波動江鴻帶雪迴衆賓無遽起吾醉欲徘徊

初春飲大道觀因題

日月浮生改山河此殿餘酒因儒彥至春入洞雲虛
何藥曾祛老求丹尚問書白頭風物裏爛醉是真如
宿江氏莊

黃昏水鶴叫沙頭人跡稀天清看月近野闊帶星微
客語喧莊犬風燈靜夜扉持醪忽自哂出郭每忘歸
題壁

客到惟雞黍農情愛汝真隔城因下榻曠野合留賓
騎苑沙明月鞭橋柳弄春忍能辭一醉天地漸風塵
春日余莊感舊

圃勝元因主花繁更屬晴醉重今日酒啼變隔年鶯
空同集 卷三四 十二

遇樹每共坐尋香時自行晚看風色異八地一含情
其二

名園多感激繼至轉芳菲節恨清明逼人憐故舊稀
暖煙低野淨雲日度花微莫漫愁春賞吾今已拂衣

雨過 賈誼有
旱雲賦

倚杖河城暮林園雨過清斷絲猶舞燕入葉已沾鶯
無惜聲連夜何妨坐到明旱雲吾欲賦愴惻爲蒼生

雷電 丁丑年十月十
三日是日立冬

雷電交冬夜滂沱徹曉聞老夫偏不寐起立迴看雲
濕重菊垂檻鳴哀鴻趁羣明朝傳太史應有紀祥文

喜雨客會

萬物今逢雨吾堂晚集宿寒聲催電至猛力攪風頻
坐看水平席歸防泥沒輪沾濡無自苦憫憫是農人

晴

兩好晴亦好灑然詩興新雲分天欲斷日見地如伸
濕入紅葉重乾回棗篠勻趁時樓可上萬里不風塵

曉

北斗脚下地東星明漸高霜初被山岳霞已閃波濤
寒鴈能羣過隣雞只亂號不眠聊自待紅日上林臯

早起莊上

空同集

卷三十四

十三

爲農起常早每與雞鳴期露重花偏得林深鳥自遲
飛星當面過落月向人隨玉珮金門外遙憐待漏時

莊上晚歸

萬動各有息吾亦念吾棲鴉翅昏猶接花蹊曲欲迷
茅堂煙火外稚子竹林西自笑忙何事還家每宿雞

新秋夜興

微風入枕簟林臥仰看星露氣秋元白天光霽益青
草蟲攢暗壁螢火閃疎櫺那解蕭森節都從一葉零

其二

猶記初朝歲寧知遽數秋庭梧碧自落晚蕙弱誰留

門閉人同夜心西火共流聞眠亦反側霜露隔松楸
深秋獨夜

獨夕偏聞鴈悠悠寢復興林堂下微月風色暗疎燈
遲暮心難已悲涼氣轉增憂來理琴瑟腸斷舊朱繩
郊園省水

莫辨田園路聊遵水國遊物情真困雨吾道本滄洲
避濘紆尋徑逢深屢借舟草玄亭好在坐數自來鷗

其二

斵木聊供釣當流且着闌雞豚各惆悵鶯鴨爾能寬
松菊陶元亮江湖陸務觀兼之吾過矣魚鳥鏡中看
空同集

卷二十四

十四

余園春日

市居常少出花日復多風萬古繁華地三杯感慨中
步畦憐小摘攀樹惜初紅靄靄征雲外哀哀何處鴻
河上秋興

古有蒹葭客吾今水一方茅齋寒淊淊洲渚鬱蒼蒼
獵騎捎河鴈歸人競野航霜高木葉下莫擬是瀟湘

其二

坐送登臨目晴空鳥路長秋雲不近苑宮樹自成行
河洛來天地人煙接渺茫采蘭空澤裏彼美在何鄉

其三

日上秋林靜江清旅思微黃葉雨後積白酒客來稀
今古三川地乾坤一布衣獨行吟望苦沙鳥背人飛
其四

名城急鼓吹野處散秋煙衆草莽零落孤松羞自妍
山川亂明水雲日媚高天何事楊朱子臨岐獨泫然
其五

後代看今代今人卽古人空傳歌舞地不見綺羅春
宋嶽饒寒草梁臺起暮塵蒼茫白鷺渚瀟洒類閒身
其六

白馬瓠子口秋風汾上歌帝鄉不可見千載白雲多
空同集
卷二十四
十五

樹動江帆至雲前塞鴈過滄洲無盡極慷慨有漁蓑
其七

十載宋梁間雞鳴望四關月來天似水雲起樹爲山
朝市今何處流波去不還高秋未歸客腸斷濁涇灣
其八

一爲梁地各怨及授衣天野靜寒煙白沙鳴暮雨懸
飛龍過絕流立馬看長川望望蘋花盡鷗行若箇邊
其九

積雨催搖落江村菊自秋驚風振大壑失鴈下寒流
暗水斜穿竹孤雲曉抱樓虞卿足簡帙白首傲公侯

其十

不寐傷寒節孤吟遶菊行月沉李家浦雨入宋王城
颯沓楊柳落斷續寒蛩鳴泛泛中河艇誰知此夜情
閒居寡營忽憶關塞之遊遂成七首

其二

牢落居庸道蒼茫六載還開軒延漢使對酒話燕山
鳥道增新戍天梯護上關白城煙火切鎖鑰未應開
西崦千家落防秋五百兵山長元入塞澗曲故穿營
靜夜聞熊關黃昏報虎行昔時忤歷覽三駐白洋城

其三

沙嶺爲黃
華東路

空同集

卷二十四

十六

沙嶺長園入羊腸宛宛斜石危偏駭馬草動數驚蛇
古樹兼今樹巖花雜澗花向來行塞日親見五陵霞

其四

是爲
西路

往年趨北路今繞秦陵西晝黑垂蘿密山青禁木齊
獨僧攀杪出怪鳥趨陰啼寂寞黃華堞遙臨古塞溪

其五

黃華牙
將張

孤蓬絕塞口匹馬戍城前跨迴煙墩直緣危石棧連
飛雲下獨石逝水入潮川舊對張軍帥題詩醉菊天

其六

銀山湯嶺北鐵壁斗門邊虎守千年寺人看一線天

赤崖崩古塔陰洞圻新泉尚記漁樵侶長歌過馬前

其七

弘治辛酉二月之望宿
銀山寺觀鄧隱峯詩刻

春遊臨絕嶠月出臥空岑暫逐山中客常關物外心
三峰藏淨宇百里羨雲林崖際剴高隱何時一重尋

夏夜

閣幔霑初霽雲姿淡夕肩涼蟾輝遠樹昏墮下流螢
久靜通幽理沉思損性靈昔人渾未達白首著玄經

寄書

驛使殘年發家書向夜封當衢慙驥裹涉水憶芙蓉
紙短情難盡鄉遙恨易重孤燈遲明發寒月下疎鐘

空同集

卷二十四

十七

春宴

白首聞歌異豪心遇酒多酒當花漱灩歌與燕婆娑
暝色侵臺殿春風換綺羅未須愁薄暮吾借魯陽戈

熊子河西使回三首

是時其軍殺
都御史許銘

偶遇西河使真傳塞上情一春常凍雪千里半荒城
永斷匈奴臂猶勤哈密征重聞帳下變無語對沾纓

其二

絕塞田誰廢甘州稻舊畦荒屯惟見兔破屋不聞雞
磧石烽煙北祁連戰鼓西平生邊務意一一願封題

其三

舊說窮源使人今出武威葡萄應啖足沙棗故攜歸
燧火真樵面胡塵尚黯衣問君春塞鴈曾過玉門飛
汴城東樓夏登

身世吾垂老中原北上樓陰陽真去鳥天地本虛舟
王屋千峯伏黃河一線流晴沙暮浩浩羨爾自行鷗
其二

危樓六月上樽酒四天開俯看高雲動涼疑海雪來
巒光杯裏見島影檻邊迴不見芒碭氣空深弔古哀
田園雨蕪客過三首

車馬人來地田園雨後心顏垣疎柳臥漏屋野花侵
空同集 卷三十四 十八

稼穡悲生事琴樽伴苦吟自無農圃學不敢怨商霖
其二

地下經年雨田乾滿目蒿繞籬荒苦竹小架剩葡萄
聞寂人還至壺觴興並高草途煙欲暝猶遣貫村醪
其三

廢塢懽能勝羣遊百任爲持竿探乳雀擲石打黃鸝
落果呼兒拾逢花折自隨黃昏休擬駕郊月已曾期
大道觀會飲

敞閣元無暑清林更著煙人觴金像側馬繫石門前
壁草侵衣冷壇花落酒鮮丹青半磨滅何處問諸天

其二

殿閣生秋早，壺觴散客遲。
蟬吟松露下，鶴入島雲隨。
塵世人堪醉，蓬萊路竟疑。
羨門如可作，願與跨青鷺。

其三

與客攀瑤草，開筵傍洞花。
盤堆白石髓，觴瀉赤城霞。
靜悟陰陽轉，衰從髮鬢華。
看君有仙骨，倘許授丹砂。

人折牡丹見贈賦之

俗眼開爭折，花心抱自知。
色新兼露至，香在有蜂隨。
老病傷春日，乾坤傍杖時。
落紅紛點點，忍把出羣枝。

客至

空同集

卷三四

十九

宛宛酒船至，依依小隊過。
亭於草玄近，溪比浣花多。
繫馬穿芳樹，持杯向碧蘿。
更謀泉上飲，無遽促鳴珂。

其二

訪隱春行早，衝風野興豪。
鹿銜初出草，鶯坐半開桃。
一叟煙霞僻，羣公位望高。
浚郊元此地，今日又千旄。

東園偶題

孤亭萬木裏，獨坐一花飛。
老更知春色，閒能到夕暉。
微風偏嫋蔓，返照故燠衣。
隔院香逾好，呼兒莫掩扉。

南莊塘水淥漫補治小舟乘興泛遶數廻

久懷浮海意，偶觸濟川心。
一艇方塘繞，杳然春水深。

桃花能泛泛雲日故陰陰還艤綠楊下番憎黃鳥音

月槐之下與程生談亦念其夏游自去歲

月出槐初定風微影尚搖念離仍是夏拚坐忽分宵
星斗來天近塵沙去路遙別情兼望兩白首夜頻翹

其二

旱時偏苦熱沙國每愁風今夕客談處孤槐清月中
露凝天故白榴近夜能紅明發衝南暑逾江莫更東

秋雨

簷雨響不絕披衣中夜興寒聲壓高閣濕氣逼疎燈
一鴈叫何處數蛩吟可憎誰能奮長劔割破黑雲層

空同集

卷二十四

二十

聞鴈

慘澹胡風起連鳴上碧霄纔聞秋浦外已復夕山遙
哀故欺霜角清應斷夜簫南樓有思婦夢恰到西遼

喜雪

老健裘能着寒吟雪故行袖承花數出履蹴霰求聲
飄卽諸山壓填應四海平久知三白貴吾已十年耕

數上
聲

朝雪

怪爾梁園樹先春忽自花態多低復起形弱直還斜
祗解光迷鶴無能色變鴉玉樓銀闕裏汝敢關瑤華

雪晴

餘雪且休騁高空微欲曛盈盈看玉樹澹澹入黃雲
奮激鷗連起啁啾雀自羣巖風暮益發天隙認星文

暑夜

微月通簾閣疎星下檻塘樹陰交進濕水氣暗生涼
歲月一陰長乾坤雙鬢蒼北窓聊復爾敢謂上羲皇

空同集

卷十四

三



暑夜

餘雪且休騁高空微欲曛盈盈看玉樹澹澹入黃雲
奮激鷗連起啁啾雀自羣巖風暮益發天隙認星文
歲月一陰長乾坤雙鬢蒼北窓聊復爾敢謂上羲皇

空同子集

卷之二十五

北郡李夢陽撰 東莞鄧雲霄歛潘之恒蒐校

詩類五之三 五言律

酬京師友人見寄

繁臺餞客二首

送秦子

聞李公寓郊園寄贈

答伊陽殷明府見寄

寄殷明府二首 送鮑生下第南歸

杭刑部淮談其師萬

南陽宅訪徐禎卿

空同集

卷二十五

一

張子抱疴避諠山寺闊別旬月作此懷寄

寄錢水部榮 風夕柬徐子

送舍姪木還汴 得何子過湖南消息

憶何子 何子至自滇

春歸柬謝員外 晚過序上人

再過序公月夜 晚過定上人

秋雨訪李鍊師 送鮑光雄南歸

田生聞余浩然訪於東郭花下酒集二首

余氏園莊二首 庚午十月余氏東莊

送人還關中 寄贈內弟玉園居

毒熟在獄呈陳運使敦暨潘給事中希曾
延慶觀訪陳州王君

徙秦公方丈秋夜
康狀元語武功山水

發京呂狀元送出城

答何子問訊三首
阻雨明港寄何子二首

賢隱寺集贈
贈鍾子漢上

獨對亭贈人過訪

發貴溪高子葦舟送

寄贈林都御史二首

贈何君驛官歸里
新喻遇薛子送贈二首

同集
卷三十五

立春寄楊君京口
顧子謫全州贈二首

與樾堂子晚步四首

九日楚山太華君同登

送鄭生南歸二首
繁臺書院同邊子三首

臺館訪李秀才濂
寄許監察二首

柬黃子二首
許君話遊感舊四首

酬唐禮部見寄
贈張工部汴上

答許監察百泉和章兼泄所懷三首

和許監察聞報之作

送張監察還朝
伏日許君館亭晚酌二首

送陳左使赴貴州二首

謝樹 早秋監察許君見過
寄李濂兼呈何子

寄王生

酬寄徐子秋日登鏡光閣見憶

贈孟明府自桂林量移汶上

寄王子蘇州三首
寄孟縣張明府

酬徐子春日登樓見寄

送許監察還朝二首

再贈許君

空同集

卷二十五

三

右次贈答九十八首

五言律三

贈答一

寄酬京師友人見寄作

浮雲悲故國積水起鳴雷不見長安日愁登古吹臺
故人三月別天上一書來欲問經行處山中杜若開

繁臺餞客二首

異地同爲客看花更屬秋雲連去國目鴈引望鄉愁
隴樹迷關道吳山蔽驛樓忍將宋玉恨還共李膺舟

其二

萬里遊燕客十年歸此臺只今秋色裏忍爲菊花來
霜露凝秦望衣冠餞楚材不堪分袂苦落日一鴻哀
送秦子

梁國秋砧滿范陽風葉稀如何故人去不與鴈同飛
北路薊門古寒天易水微君行莫怨霧霜日指南輝
聞李公寓郊園寄贈

幾日棲東嶼昔林今若何主人能醉客世事且狂歌
黃鳥晴吟竹紅蕖晚出波自憐門士未眠病阻鳴珂
答伊陽殷明府見寄

古縣垂新桺獨吟酬好春琴清山在眼花碧酒隨人
空同集 卷二十五 四

奈此河陽少曾於漢署親郵筒定不惜有句念沉淪
寄殷明府

自枉去年札約爲嵩少行夢常飛洛水詩屢到伊城
蘿殿王喬舄花臺子晉笙君行奮雙翮吾此學長生
其二

可怪伊陽尹冬來不寄詩徒懷白雪調况逼暮雲時
日落山城黑風鳴邑樹悲身危屬撫字爲爾一凄其
送鮑生下第南歸

只期橫直上豈料戢鱗歸抱玉終難掩投珠安所稀
秋風吹獨馬落日照征衣南到江亭上還瞻北鴈飛

杭刑部淮談其師奠

國難逢驕虜時危惜俊才鹽車在泥淖騏驥亦悲哀
片月清秋照商風一夜來思君不相見惆悵對西臺
南陽宅訪徐禎卿

東閣能留第南人暫亦居琴書遷臥內騎馬到堂除
殘樹喧巢鵲微風走壁魚追思秉鈞日冠蓋爛盈閭
張子抱痾避誼山寺閣別旬月作此懷寄

楚楚張公子悲吟度歲華棄官臨野寺服習向山家
石髓遇不識黃精春始花洞中日月秘強食勝丹砂
竒錢水部榮

空同集

卷三十五

五

雪時揮袂別見雪卽懷君河館冬難暮沙洲晚更雲
清爲蒼水使靜對白鷗羣昨夜尋君夢微茫路不分
風夕柬徐子

嚴冬萬卉寂朔吹迥添愁嶺日微舍照川雲半逆流
頻齋忘肉味乍冷覓羔裘差勝山陰夜能孤訪戴遊
送舍姪水還汁

天涯逼除夕念爾獨歸人夜宿蘆溝雪朝逢易水春
爲駒先汗血藏劍莫愁身到及張燈候遙知戲彩頻
得何子過湖南消息

及遇荆門信洞庭秋已淒湘江饒苦竹幾聽鷓鴣啼

馬援留銅柱王褒祀碧雞向南衝瘴癘藥物去曾携

憶何子

其兄時爲巴陵知縣

憶爾辭京日余歌萬里行經秋無過鴈索處苦爲情
去已窮滇海歸應滯岳城鳳凰池上草春到爲誰生

何子至自滇

醉折荷花別寧期花復開川原一回首雲日共徘徊
知向百蠻去云從三峽來進舟雖一賦胡棄楚陽臺

春歸柬謝員外

寂寂鳴禽變陰陰弱絮飛煙花從客久風雨會春歸
且盡追隨飲休傷節序遠無端臨暮景奮憶謝玄暉

空同集

卷二十五

六

晚過序上人

塔日微微墮禪居隱隱涼軒開惟有竹坐定始聞香
萬古風塵地三生水月鄉頻來尋白社不爲禮空王

再過序公月夜

歲已殘冬逼月餘今夜圓光侵僧磬發清徬佛樓懸
鳴鳥疑深樹高雲靜暮天夙心如解此更欲問何禪

晚過定上人

中秋鏡閣臨向晚過西林月自湖間動鵲翻祇樹深
宜鐘磬發寒更塔廊陰萬物輝今夕悠悠塵外心

訪李鍊師

便靜尋丹侶飛梁度赤城洞花含雨落階鶴下松迎
雲霧生仙袂秋寒咽鳳笙余情會浩蕩先品步虛聲
送鮑光雄南歸

世事風波遠悠悠素髮新乾坤萬里色江海獨歸人
岸柳牽行舫汀花照暮春山中采芳杜好薦北堂親
田生聞余浩然訪於東郭花下酒集

花林吾自酌見覓爾情親轉覺花饒笑番驚蝶趁人
百年秦地客萬里宋宮春酒罷烟城暮無言對愴神
其二

今兄真國士吾子更超然同住孤城裏相邀東郭前
空同集

卷三十五

七

攀桃映落日折柳向春天更有梁臺約風塵入暮烟
余氏園莊

無端二月至不分百花開林坐斜陽入郊暄沙色來
穠葩偏近牖弱柳故臨杯共是天涯客無辭酩酊迴
其二

百年吾不醉一歲幾何春况接桃花暮難禁柳色新
君爲避世客余是放歌人爛熳題詩徧林鶯莫漫嗔

庚午十月余氏東莊

南客招延屢東遊野興高乾坤侵肅殺雲木半蕭騷
暖澤喧饑雀冬林秀晚桃時清還浪跡痛飲笑吾曹

送人還關中

見君驅去馬忽起望鄉思華嶽寒逾峻涇河繞自遲
躬耕爲谷口把釣憶皇陂何日一尊酒南山對不移
寄贈內弟玉園居

城市憐余獨鄉居見爾稀年華仍雪樹疾病有柴扉
烟起浦欲暝沙寒鴻自飢一身固不保萬事莫嗔違
毒熱在獄呈陳運使數暨潘給事中希曾

此地饒炎熱南中恐未然有風番助暑揮汗欲成泉
鳥避棲深葉蠅喧集滿筵百憂吾共汝流涕北風篇
延慶觀訪陳州王君

空同集

卷二十五

珠閣晴逾麗仙林午自和我來驅獨馬笑爾溺雙鷺
臘雪融樓薄溪風傍竹多雖非宛丘習吾醉亦婆娑
徙泰公方丈秋夜

秋林風色暮游子念征衣鴻鴈俱高起江山獨未歸
月臨蓮室靜螢傍竹林微喜對離羣友吾生本息機
康狀元話武功山水

夢寐關中好連年未得歸側聞武功勝佳興益翻飛
水繞褒斜出山從盤屋圍因君覓水竹爲買釣魚磯
發京呂狀元送出城

旭日清霜麗關河獨鴈飛征蓬各自遠會面後應稀

渭水縈秦塞南山繞
一作歲料君鄉思切只恐未能歸
答何子問訊三首

伊汝投簪日憐余宵網羅江湖鴻鴈絕道路虎狼多
萬死還鄉井潛身葺薜蘿天涯歲仍晚無路覓羊何

其二

仲夏辭梁地中秋出夏臺醉行燕市月留滯菊花杯
日暮千行淚天寒一鴈來亦知張季子不爲食鱸迴

其三

弱冠真憐汝投閑更可哀山高桐栢觀水曲范滂臺
假寐憑巖桂潛行倚岸梅此時誰借問日短暮寒催

空同集

卷二十五

九

阻雨明港寄何子二首

白日雲猶動青山雨忽來計程今夜會策馬出村回
月對荆門上天從夢澤開旅燈依港宿吟苦獨徘徊

其二

微微山日舒彼美碧山隅信宿猶難遣經年祇重吁
花含明日艷月助此宵孤久擬申城醉香醪語爾沽

賢隱寺集贈

水落移舟穩山行酒暫隨寺高垂路細林密見僧遲
樓閣登臨日江淮獨去時不應聊駐此愈重白雲思

贈鍾子漢上

君爲薇省使幾度紫薇開髮以憂時白舟巡累月回
漢川驚會面江雨助停杯已約同船下安能曉霧來
獨對亭贈人過訪

孤亭瞰巨壑五老對街巖日出峰烟起風涼谷樹悲
石泉秋聽急山路晚歸遲異日東南賞應深廬獄思
發貴溪高子輩舟送

旌旗飛近邑鼓吹送前舟禮餞諸生侍英寮並節遊
長風驅暝色密霰響寒洲見月帆猶進山陰恨子猷
寄贈林都御史二首

錦水啼鶯起巴山春望微干戈滿眼急江漢一舟歸
空同集

卷三十五

十

花送琴書色霜留斧鉞威所傷豺虎亂公也息鷗機
其二

諸葛能安蜀穰苴本善兵向來優起詔番作急流行
老益丹心壯憂惟白髮驚祗憐川父老涕泣挽歸旌
贈何君辭官歸里

三年牧夷郡萬里竟歸舟瘴離程畚雨雪乘江漢流
琴書頓縣邑五馬向山樓棠樹苗民種清陰應舊州
新喻遇薛子送贈二首

故舊日益遠寸心奚所安雨留杯酒暫明發楚途漫
炎暑百蠻盡風霜五月寒知君近南斗時倚鎮鄒看

其二

解劍別此小憐君向桂林徒持一杯酒其奈故人心
瘴癘秋行霽沉湘馬度深衡陽雖更遠莫遣鴈書沉
立春寄楊君京口

一水相望隔飄飄楚越身北風猶送兩南國暗增春
雲入金山接波添彭澤新妙高峯上酒對酌是何辰
顧子謫全州贈二首

楚城悲遠望君去更悠悠十月逢南鴈章江况北流
寒沙帶宿莽霜日下孤舟明發湘東路應添吊屈愁

其二

空同集

八

卷二十五

十一

蒼梧遺舜跡白雲秋氣愁君得人文地相傳是此州
山連夜郎密瘴入桂林收獨有思親淚非緣逐客流
與樾堂子晚步四首

有伴沙行穩無雲楚望深江湖席下出樓觀鳥邊陰
共繫南來跡孤帆北逝心徘徊忽復晚朗月散松林

其二

晚俯林烟靜居然盡一城江圍三面白雨過四時清
沙廣偏升月花踈轉喚鶯可言南岫矮青檠斗牛平

其三

北郭浮沙暝西山擁坐真日猶銜殿閣江已下星辰

禹服苗風雜豐郊劒氣伸獨嗟征艦日歌吹滿城闈
其四

美樹沙能秀高花夏不踈江山百戰後登眺兩人初
楚月垂鮫淚燕山澁鴈書異時羊續壁喜接豫章魚
九日楚山太華君同登

不入襄陽府秋山每自來那知楚峰上還共菊花杯
帽落層雲迴風生萬壑開却思羊叔子峴首獨悲哀
送鄭生南歸三首

梁園杯酒罷江上泛舟歸白日孤帆隱青天一鳥飛
路分和靖宅潮接子陵磯美爾隨玄豹還山戲彩衣
空同集 卷七十五 十二

其二

挂席南風便烟霞北望深逢人著皂帽采藥鍊黃金
五月三江路扁舟四海心方山有叢桂誰與結雲林
繁臺書院同邊子三首

壺觴聊首夏文史更孤臺地主更來幾登臨每復陪
徑蘭迎節秀巖鷓撲驄迴落日凭軒外蒼蒼四嶽開
其二

駐賞林紅減登吟野綠圍故人率爾遇時序暗中違
爭突芒錫斷壑底孟澤飛日賢誰復此無美酒酣歸

興劇攀巍坐，倏然俯日斜。亭扶盤石樹，崖綴殿春花。
薜服賓游，幘青衿閃鈞。槎網繆不欲，別風野暮鳴笳。
臺館訪李秀才濂。

李生梁國彥，少小事沉冥。春日古臺上，獨行楓樹青。
花侵映雪壁，鳥下草玄亭。野闊看無際，浮雲似洞庭。
寄許監察二首

爲間乘驄使，經春北未迴。句刪淇竹寫，尊泛鄴花開。
昏曉行山外，風雲每自來。不知銅雀上，臨望幾徘徊。
其二

初擬周三晉，何時已百泉。吏人跳水外，驄馬白楊邊。
空同集

卷三十五

十三

坐憶孫登嘯，行吟衛女篇。倒看峰不極，炎日有霜烟。
東黃子二首

約隱情非飾，今歸悔卽遲。田園荒欲盡，親友半相疑。
杯酒惟黃子，儒門是白眉。可能東郭柝，日往聽黃鸝。

其二

徑菊陶能得，田瓜邵獨勤。爲農消日月，倚杖看風雲。
插柳俄成樹，籠鷺忽一羣。不須憂萬事，客至且醺醺。
許君話遊感舊四首

幾日離泉上，泉香滿繡衣。坐談觀水事，想見采菱歸。
石柱新留姓，山藜亦借威。朱君薄未紱，輿在白雲飛。

其二

泉館舊曾到跳珠今若何數年魚不小題壁客應多
照日輸金浪回風散錦渦君令樹齒昔勿逼古龍窩

其三

亭榭逢君復原泉改色流噴珠連地涌仰鏡合天浮
掇蛤曾兼石移家欲狎鷗獵心萌自鄙日往水邊頭

其四

昔訪仙潭鯉春陰阻獨行至今看絕頂長日有雲生
爾昨褰帷過同深把釣情何時掣金鬣携手萬峰晴

酬唐禮部見寄二首

空同集

卷二十五

十四

僕踈鹵蕪鄙人也舉世棄焉於唐無一面之雅
迺今辱拔羣之顧偉文法筆吐露悃悞僕奚以
有此哉

萬事中年懶諸人近日踈不忘惟墨客願見有音書
倚伏休詢鵬生涯且釣魚問奇終缺酒不是草玄居

其二

蹈虎看賢達攀龍幾奮飛長歌百年內慘淡萬情歸
種竹從過檻栽桑不慮衣神交古有在莫遣北鴻稀

贈張工部汴上

天意焚宮殿臣心急棟梁未花辭魏闕酷暑向咸陽

遇我真傾蓋憂時每罷觴塵沙一萬里分手向垂楊
答許監察百泉和章兼世所感三首

其二
踈迂甘病足天地合藏身未卽辭城市何緣謝世人
恨無山在眼願與鹿爲鄰暑日情真倍蕭蕭水石濱

吾門客不到永晝雀堪羅竹色間巾拂池涼飈芰荷
片雲感日卷雙燕掠虫過忽憶臺端使詩成只自哦
其三

睡起看雲坐敲門報吏來受書驚鯉躍投李得瓊廻
思爲源泉賦辭遵比興裁不須共林石三復野情開
空同集

卷二十五

十五

和許監察聞報之作

忽爾西邊信飛傳過洛陽幾曾齊豕突何將最鷹揚
殺氣黃河接烽烟紫塞長籌兵有諫疏早晚達明光
送張監察還朝

北極星辰入山河斧鉞歸鳥爭車鷺疾雨逆蓋雲飛
御柳元搖珮臺花且襲衣聖心虛采納忍使諫書稀
伏日許君館亭晚酌

暑閣寒風暮林亭透日踈俯池閒白羽把酒躍金魚
興觸山花發心同水葉舒孰言臺務劇鎮日有琴書

其二

樹色寒文簞池光隱玉壺做筵真不暑愛客忽忘哺
烏返爭栖柏魚權自戲蒲回思闌闔子天地一洪鑪
送陳左使赴貴州

萬里洞庭西秋風入五溪瘴天開斧鉞山驛斷虹蜺
水出泮泮繞城臨井宿低堂間花樹紫簫鼓閱雕題

其二

郡縣收殊俗封疆託此臣去披炎嶺霧坐使瘴花春
獠部知徭賦夷官學縉紳誰期召伯樹蔽芾五溪濱
早秋監察許君見過

五柳驄偏繫三山雨乍過夏蟬猶咽竹夕露欲傾荷
空同集

卷二十五

十六

眷此青雲客懷余白石歌相看恨易晚燈火發烟蘿
寄王贛榆

自汝謫東縣朝朝看海頭書纔一紙到別已十年周
日就晚潮落城浮淮水流知君負楚調激烈向清秋

寄李濂兼呈何子

仲言何
遜字

識汝塵埃際飛騰步步高許身元稷契努力更風騷
暫亦遊香署終能奪錦袍仲言應過數萬里兩鴻毛

寄王生

九重書新寄他時意獨傷故山吾別久籬菊晚誰芳
日月徒鴻鴈乾坤尚虎狼松楸圍幾大人發淚千行

酬寄徐子秋日登鏡光閣見憶

歲晚湖間閣秋臨共爾曹
路疑銀漢上身近紫宸高
霜色諸天鏡窻風四海濤
別離誰復此檻望獨揮毫
贈孟明府自桂林量移汶上

少年東邑宰萬里北還人
桂已他時苦花須滿眼春
偶逢思宿昔臨別見交親
莫小牛刀試元爲驄馬臣
寄王子蘇州三首

獨立望南天秋空月會圓
此時一樽酒憶爾隔嬋娟
並馬遊燕日孤舟去越年
斷腸今萬里心折暮江前
其二

空同集

卷二十五

十七

三十烏臺使投冠竟黑頭
田園是故里江海有新舟
把酒看鴻舉開窻面虎丘
不須慨今古吾伴麋麋遊
其三

舊交多鬼錄吾子獨仙鄉
幸自饒強健何心說廟廊
稻輸吳郡白橘足洞庭
黃飽飯教兒女攤書日滿牀
寄孟縣張明府

同年多出宰獨爾得河陽
背郭圍王屋開門對北邙
詞章前令掩桃李舊花香
何日乘雲起雙鳧入帝鄉
酬徐子春日登樓元寄

三月垂楊合風花滿帝州
伊予直北望爾上幾層樓

紫塞連天起黃河拍

春烟動萬里何處覓前遊

送許監察還朝二首

杯酒豈無友知音誰復多君今萬里去吾奈好春何
路草隨輶碧山鶯近驛歌尚思文話地驄馬月中過

其二

吾園花爛熳子特駐驄看偶念明朝別先違兩地歡
勝之元執斧陶氏合投冠去住情俱得離杯莫放乾

再贈許君

緣岸百花開樓船三月迴人依鐵甕望鳥避柏烏來
禮樂還朝疏山川畫笏才太微造已入新彩近三台

空同集

卷二十五

畫笏虞
允文也

詩類五之四 五言律

邊君生日來訪時近中秋不虞雷雹二首

繁臺院閣餞沈子之雲南并懷劉子二首

送姪木甥嘉會試 繁臺冬餞翟子三首

丙子生日答內弟璣

雪後寺集夜別王子

早春懷上方寺

送鄭生

空同集

卷二十六

一

憩長葛端壁寺偶遇使人王卿齋監察毛君詩

早到困頓中口占馳寄亦答遊山之約

月夜柬張含 送張含

秋日讀王子赴江西時諸曹贈行篇什感賦

繁臺送張內史侍母還蜀同毛素監察二首

丁丑重九繁臺酒集 雲南并對隘子二首

寄王憲使二首 寄崔內史病還鄴

早春宴黃宅 五言律

送左轄王子通除赴嵩山之役以獄事

空同 送余生南監

繁臺秋餞何子二首

再餞何子

喜李生自京師歸

送柳儀賓進聖節表

中秋別鄭生

巳卯元日內弟璣見過二首

送戴氏

寄毛監察來二首

雪中鄭生見訪

雪中蘇生以詩見過

春初大道觀訪蘇生

寄陳浚

贈僧懷讓越人也嗜酒其居有借樹軒

逢郊王子

徐子過別因而留宿

空同集

卷二十六

二

洪法寺遇鄉僧

送張生還金齒二首

送鄭淳入閩

送王左史入觀

送姪竹赴京聽除

送長垣尹赴召二首

寄熊御史塞上

秋日王子臺上

酬錢子錫山之招

送王子如淞江

晚過孟氏雷雨遽至會王子亦來二首

僧園秋集同田生二首

春日宴山泉王子之第同左田二子二首

酬贈閣老劉公四首

送田生讀書上方寺

登鐘樓答田秀才作

別鄭生

送白帥留守中都

再送白帥

再送鄭生

譚劉二子過賞牡丹

春日寄題崔學士後渠書屋七首

小園花發譚劉二君訂遊涉夏始至席上三首

送呂先生四川衡聘

贈孟監司赴任三首

送譚子二首

贈林監察阻雨郊館

庭菊紛披有懷王喻二君子

空同集

卷二十六

三

晚秋王喻二監察見過二首

菊日任君見過

寄鄭生二首

右次贈答一百首

五言律四

贈答二

邊君生日來訪時近中秋不虞雷電

怪爾生辰日高軒特過吾秋驚飛電至雨逐去雲無

上壽須君子同聲愧老夫毋勞問隱顯乘月有清壺

其二

霄過天仍雨庭空晚復雷連牀慨往昔阻馬得徘徊

暗藥香賓席秋燈燭壽杯非君有家慶肯放夜輶迴
繁臺院閣餞沈子之雲南并懷劉子

斗酒重陽後危樓萬里前停雲忽蔽地起鶴故橫天
斜日留傾蓋踈花影別筵忍看驄馬使遙向碧雞邊
其二

豈料吾劉沈提刑繼入滇經過此臺上共醉菊花筵
日落杯光動樓空海色連無論卽萬里身世轉蓬前
送姪木甥嘉會試

二子趨南省同車向北燕苦心衝鴈雪得意佇花天
合浦珠光會豐城寶氣連諒懷鵬舉志吐膽鳳樓前
空同集

卷二十六

四

繁臺冬餞翟子三首

野館逢君日相逢復惜違暖崖花尚發冬樹果初肥
斧鉞從天至家山傍海歸懸知稱慶處不獨錦爲衣

其二

邦君榮大禮星使返三台路指東方入尊留南郭開
館深松自靜筵暮月還來明日山河異無言不醉迴

其三

爲慕梁臺勝紆君駐馬觀風霜當夜急樓閣近星寒
醕酌猶更燭徘徊數倚闌知君有家國忍向北雲看

丙子冬日答內弟璣

今夜今年聚誰知骨肉稀汝猶悲燎粥予豈那干飛
對火霜威入侵杯月色微斗斜燈更續不是醉無歸
雲後寺集夜別王子

曾夜晴遊地月高鐘磬聞塔光斜照雪香氣上蒸雲
客向杯前聚途於醉後分別離誰不爾繾綣獨斯文
早春懷上方寺

此寺城中僻邊城野四圍青天直塔上落日稱僧歸
殿古松風入臺春草雪微覓碑吾不嬾所慮鳥驚飛
春日過李氏因贈

偶憶孩童日能禁老大悲向來門巷接長是酒筵隨
空同集 卷二十六 五

禮樂儒門舊風花世路疑不須辭夜飲春月正透迤
送鄭生

河米未盡脫怪爾駕舟還言向金陵去春登江上山
綠波元楚徼芳草自吳關寶劍男兒在那憂行路艱
東張舍

戰國侯嬴里梁園李白杯夏驕惟溽雨秋弱尚鳴雷
病館經旬滯歸旌萬里催別書期早寄莫俟北鴻廻
懋長葛端壁寺偶遇使人王卿齋監察毛君

詩劄到困頓中口占馳寄亦咎遊山之約
遠爲長葛懋忽接許昌吟不覩暮雲句那知春別心

早花連潁岸晚日下嵩岑咫尺盟難踐何須問古今
月夜東張舍

風餐涼雨過露坐晚林幽汝對梁園月孰如金齒秋
常星皆北拱顛海獨西流萬里清光再應懷今夜遊

送張舍

明發車南指滇城更復南秋驚洞庭葉雪壓貴州嵐
念汝此行遠求官今尚淹保昌山塢側好結望京菴
秋日讀王子赴江西時諸曹贈行篇什感賦
接攬西江轡同懷振鐸年匡廬並突兀鄱水日悠然
子進薇花省予歸蓮葉船梁園邂逅地把酒對秋天
空同集

卷三十六

六

繁臺送張內史侍母還蜀同毛袁監察

辛值高秋霽何愁蜀道難顧瞻知國念跋涉爲親歡
露菊沿江熟風林過棧寒故園如有夢應在五雲端

其二

翰苑飛名久梁園接席初文談白日下涼露碧林踈
劔閣天真險巴山錦不如饌親知盡樂日日有姜魚

其三

飲暮不歸去繁臺秋正深侍臣軒偶遇驄馬酒同蹄
去國三川路停雲萬里心西南鴈不到吾遲尺魚音

丁丑重九繁臺酒集

高會今秋始重陽
逐歲同上臺
寒日午開閭
古林風且酌
黃花醉休嗟
白髮翁
舊時游不須問
天際有飛鴻
寄王憲使

反側須開縣
安危亦仗兵
饒山夾岸密
鄱水向秋清
部使輕裘入
餘黎裹飯迎
怪來服從易
爲懼靖南名

其二

傳爾提刑地
思予攬轡游
湖山不改秀
蛇虎向來憂
賣劍元能事
褰帷啻此州
范公芳未泯
亭在北山頭
寄崔內史病還鄴

漳浦新歸客
文園舊病身
乾坤金馬外
杖屨碧山春
空同集

卷二十六

七

書合虞卿著
耕非桀溺倫
漢庭文賦筆
誰及茂陵臣
早春宴黃宅

岐路風花裏
乾坤醉眼中
事隨年共異
春與昔還同
相聚今何夕
相看各已翁
夜和杯更暖
休負燭花紅
送右轄王子逼除赴嵩山之役以獄事

遽有高山役
恰然逢此春
旌旗拂袖入
車馬駐蘿新
坐愛溪花發
行憐寨獸馴
時雷蘇萬物
君重係累民

送余生南監

江門柳色暗
四月浪花高
爾抱魚龍志
休隨雀燕曹
金山入紫氣
壁水動青袍
倘慮音書隔
南風有順毛

繁臺秋餞何子

會少憐君暫臺孤引望頻
清秋屬過鴈落日有征人
華嶽元通洛黃河不棄秦
異時愁獨上千里見嶙峋

其二

候吏催遲暮遊人怨解携
十年內供奉萬里竟關西
地古饒文物時平罷鼓鼙
巡行有佳興應徧絕崖題
再餞何子

武場重布席文士此分襟
人世東西路秋天日暮陰
杯光搖弱草庭色下饑禽
他日關中使無忘汴上音
喜李生自京師歸

空同集

卷二十六

八

北極星齊入中原爾獨歸
田園自松菊身世有庭闈
魚可一錢買花常四季飛
感時臺莫上恐濕賈生衣
送柳儀賓進 聖節表

萬國生辰表天王北狩時
雞鳴元紫禁虎拜亦丹墀
漢樹霜楓古堯蓂露菽移
無辭醉宮酒當是舊朝儀
中秋別鄭生

別離誰獨免此別是中秋
爾上袁宏艇予登庾亮樓
羽衣飄北檻漁笛起中流
炯炯共明月那堪兩地愁
已卯元日內弟璣見過二首

內弟元朝過柴門午一開
拓尊吾足辦椒頌爾須裁

天地水霜變江湖日月催鬢毛斑欲甚誰忍復春來

其二

汝今年四十而我八年多世路憐書劔生涯笑薜蘿
遊將花並放醉擬鳥同歌莫問朝元日傷心是玉珂

送戴氏

兩河飛雨盡萬里不塵沙白馬朝天客春風御柳花
聲名新上計袍笏舊傳家諒有蘭臺擢應難捨伏伽

寄毛監察

江漢歸鴻鴈乾坤罷虎狼薜蘿吾故土驄馬爾何鄉
岍樹霜先赤籬花晚自黃向來杯酒地臺柏但蒼蒼

空同集

卷二十六

九

雪中鄭生見訪

萬戶風花起吾門爾一開驚看破履跡笑指白鬚來
驢爲登橋熟船非訪戴迴今朝梁苑賦合試賈生才

雪中蘇生以詩見過

楚楚眉山喬儒林羨白眉竭來白雪裏惠我陽春詞
結綬終相慶投珠莫自悲長安馬蹄疾是爾看花時

春初大道觀訪蘇生

草生壇雪盡宛宛孤雲輝怪爾黃庭罷雙鶴不換歸
牕鐙留夕照欄竹伴春暉安得頻過此談玄兩不違

寄陳凌

借問垂雙翅何時奮一飛黃金不易就黑髮漸應稀
山雪騎驢出江風捲釣歸所嗟冠蓋地獨爾薜蘿衣
贈僧懷讓越人也嗜酒其居有借樹軒

訪舊來東社焚香對病禪素琴真與寂濁酒反通玄
隣樹當經牖春花落講筵不逢支遁語誰解越中傳
逢郊王子

相思汝水月相見帝城春紫邏雲煙迥青門柳色新
豈如題鳳侶疑是好鵝賓醉卽揮鞭別金龜報主人
徐子過別因而留宿

空同集

卷二十六

十

鈎幔回牕色梳頭過鳥啼如何艷陽節與爾惜分携
洪法寺遇鄉僧

爛熳春遊處重來冬日淒風松猶故壑露葉已新蹊
廢井浮陽出巍阡凍霧棲逢僧話鄉曲寒望轉萋迷
送張生還金齒

萬里來何事三年此復過高秋鴻鴈下落木洞庭波
歲月長途老風雲後進多百蠻家更遠自愛莫蹉跎

其二

大雅流重譯殊方挺上才批鱗書幾上場翅首頻回
白髮南荒路秋風北宋臺三杯邂逅地爲爾一徘徊

送鄭淳入閩

江海發春濤南浮二月初花行浙口盛雲近武夷高
土布離鄉貴杉鷄詫客號延平津倘過珍閱匣中刀

送王左史入覲

帝里花應待王筵醴暫違舟從春水上人是錦衣歸
日月瞻新袞風雲壯舊畿辭朝君卽返莫賦北山薇

送姪竹赴京聽除

皇王寶曆開汝上黃金臺氣色三光正人心萬國來
拜除將檄入辭謝袖香迴幸會風雲路行伸駉裹才

送長垣尹赴召二首

空同集

卷二十六

十一

君赴蘭臺召誰看此縣花久知驄是馬當許鷺隨車
日月新明主乾坤舊一家異時練帛賞應首及孫伽

其二

要地徵名尹新朝急俊臣班升玉笋曉臺散紫蘭春
萬水元趨海群星自拱辰誰言大河上白首有垂綸

寄熊御史塞上

漢官持斧處天險惜離群塞口孤城斷峯腰細澗分
胡天秋更慘殺氣暮還雲定有憂邊計緘馳達聖君

秋日王子臺上

暑霽名王會臺成上客過清秋踈草木落日上笙歌

天地銜杯盡風雲傍檻多聖明今御極誰復慮干戈
酬錢子錫山之招

南遷公約我北望我懷公陽羨春芽秀荆溪早稻紅
乘槎伍胥口采藥洞庭東何日酬吾志江濤日夜風
送王子如淞江

寶劔寒無色蒼然海上行異書探戰伐高論動公卿
何日爲毛遂前身是賈生誰憐同學子章句獨虛名
晚過孟氏雷雨遽至會王子亦來

王褒真畏友孟浩復多才下馬雲徐暮開尊雨驟來
疾雷當戶落驚電觸簷迴坐待明星出無疑曉漏催
空同集

卷二十六

十一

其二

霽月出還沒驕雷東復西千門螢火動六月候蟲啼
共是天涯客能忘雨後題吾詩催仗汝好放片雲低
僧園秋集同田生

榴竹晴相媚秋光滿給孤微風捎果重殘暑入林無
寶塔金杯映青天白鶴呼不須談浩劫吾醉亦忘吾
其二

自笑紅顏日僧今白首看秋風修竹過臺殿碧梧殘
鐘磬昏仍起壺觴醉不乾塔層思盡上恐逼斗牛寒

春日宴山泉王子之第同左田二子

入殿笙簫合開筵錦繡園苑枝春競發臺日晚猶輝
語燕窺吟管飛花坐舞衣二豪同酌酤與爾月中歸
其二

已恨韶華劇能孤爛慢游鶯啼簷樹換蝶戲檻花流
賓客朝開宛笙歌晚入樓但看今會者孰與漢枚鄒
酬贈閣老劉公

雷奮龍猶臥雲俱鶴自閒一杯莘野月雙屐謝公山
貴客常辭避田夫數往還桂庭秋偃蹇公醉拉誰攀
其二

大號更嘉靖明公會古稀老驚詩律健閒愛醉游歸
空同集 卷二十六 十一

庭戶羅花竹兒孫導綵衣向非千仞覽那見太平輝
其三

壽席秋能半賓庭月故圓前身金粟佛今代玉堂仙
兔巧元供藥龜靈豈筭年蠅頭燈下字猶注紫霞編
其四 一作野綠
晉山似稱

綠野情真逸香山望獨高酒嫌裴相淺詩掩樂天豪
公實當三老吾虛受二毛人遐室幸邇音惠莫言勞
送田生讀書上方寺

嗜靜甘違俗藏修合就僧綠移開徑竹寒掃護牕藤
殿閣秋陰下琴書爽氣增不須匡氏壁常有玉蓮燈

其二

寺壓孤城斷堂開積水圍一僧當茗竈群鷺狎荷衣
被酒時登塔持書晚坐磯鶴騰知客至嗟汝詠而歸

其三

涼雨滿庭戶冷然松桂幽隔雲清磬濕向夜一燈留
管火輝書幌烏啼上佛樓諒多今古意先著宋壽秋
登鐘樓答田秀才

老足秋能健朋游竄益豪眼當孤閣放身已百履高
霜壁搖朱杞風簷落白蒿生平望東海一釣有連鰲

別鄭生

空同集

卷二十六

十四

白首還離別長途倍苦辛憤時惟按劍避世謾垂綸
江海烟霜日乾坤去住身臨河見雙鴈杳杳向秋旻

送白帥留守中都

幕府開淮甸山河繞漢陵曉霜迎旆入王氣及秋澄
弩卧銅牙溢矛拋綠蘚增黃金印如斗應有異時徵
再送白帥

聖主下龍章將軍入鳳陽地盤淮海壯天擁漢陵長
檠戟新開府威名古辟疆卜年元萬世王道是金湯
再送鄭生

聞君數日住使我百憂寬池館杯觴易天涯故舊難

久晴冬欲暖近水晚猶寒惜取防身劍慙慙醉裏看
譚劉二子過賞牡丹

載酒來朋遠尋芳出郭遙遇花雙蓋住繫柳一驄驕
野席留香迥晴尊助艷嬌誰言鬪百寶吾有玉鸞簫

其二

學舞花將起矜歌鳥自來日筵隨蔭徙風袂入香開
李白昭陽調姚黃洛下杯古今君莫問且促醉軀迴
春日寄題崔學士後渠書屋七首

草閣臨何地花天想後渠傍墻應植柳俯岸幾跳魚
好撰王褒頌休親郭橐書攷元新禮制側席待相如

空同集

卷二十六

十五

其二

石白雲花瑩湍青水葉香野情鷗鳥足紗帽世塗忘
問字船能過聽鶯客不妨無言渾是暇當有草玄忙

其三

鮑客春還鄴崔渠遂盛傳水溶漳岸日草碧魏城天
徑竹竿竿秀汀花朵朵鮮但無醒酒石物物勝平泉

其四

敞敞渠邊屋輝輝座右銘竹琴晴愈靜蘿燭夜還青
洹水明卿月陳家聚德星泥中雖近戲僕隸解談經

其五

是否龜蒙鴨將無逸少鷺內官聊一戲道士敢頻過
自坐蒲磯飲誰攀桂權歌絕絃知不易白眼向山河
其六

賦筆多崔瑗朋車媿呂安碧渠何日到雲樹一春看
南果枇杷活西郊苜蓿寬覓君終繫馬艤棹是何灘
其七

且養岷山鳥休焚學士魚窮通不在我水竹漫成居
綠薜深藏屋丹花淺映渠幾時朝聖主人擬治安書
小園花發譚劉二君訂遊涉夏始至

尚有春留賞無言客過遲砌紅殘芍藥園綠半荼蘼
空同集 卷二十六 十六

邂逅情真倍追隨酒莫辭有懷君盡放得意是佳期
其二

繾綣杯侵夜紆徐月轉庭醉尋松影立涼愛竹風聽
老去朋情怨年來世事經玉繩天歷歷誰識少微星
其三

涉夏榴能綻深更客尚遊群行逢樹間獨立爲花留
就月還移席呼兒重洗甌醉眸橫北斗曙角起城頭
送呂廣文四川衡聘

大省文衡重名師禮聘遙閣雲臺暑旆棧月引墜軺
古帝蠶叢國今人駟馬橋好將楊馬輩收取貢清朝

贈孟監司赴任三首

孟嘗知文上縣
有寄我之作

南輟江湖棹東飛海岱旗
勇辭知至性強起爲名時
氣節聊城箭文章孔廟碑
秋風立馬地莫動季鷹思

其二

汶上篇仍在齊東節重過
繞臺新柏秀匝縣舊花多
海色搖行幘山雲護詠窩
談天君一問稷下近如何

其三

麋鹿游山性蛟龍臥水心
得雲終一起食野不孤吟
汝去觀滄海予常慕孔林
何時挈尊酒同躡太山岑

送譚子

空同集

卷二十六

十七

國謚逾年至王臣觸暑行
水花邀去節山鳥勸離觥
久客交人廣携家念土輕
玉筵頒扇日應注使回名

其二

聚賞蜂初課分携燕已雛
泥驚落夏簾花憶倒春壺
水路風旗進晴船暑氣無
五雲赤日外縹緲是皇都

贈林監察阻雨郊館

積雨淹征旆曾城隔論文
一尊真惜酒萬里正橫雲
京國驄謠屬閩江道派分
美名吾實羨何處接高芬

庭菊紛披有懷王喻二君子

鴈急秋真晚園空菊自黃
露團番有色風度不隨香

却憶初開日君來夜把觴
忍今看爛熳獨繞碧籬傍
晚秋王喻二監察見過二首

自種吾堂菊無人共把卮
昨來三徑雨忽與兩驄期
檻霽花逾爽林寒酒故隨
坐忘俱酩酊莫遣白衣知
其二

霜日來驄並晴杯汎菊頻
古今無逆旅天地幾閒身
鴈陣寒從急籬香晚自新
豪吟不知夜圓月在高旻
菊日任君見過

菊筵開遇雨秋色轉增孤
冷翠元浮席流香故灑壺
盞沾卷袖摘徑滑倩人扶
莫謂無開霽斜陽酒重沽
空同集 卷二十六 六

寄鄭生

故菊開誰對新醪悵爾違
耳憎木葉下心與塞鴻歸
兒女催蓬鬢家園滯綵衣
問君稱慶暇何處採山薇
其二

節序仍黃菊乾坤更白頭
文章寧益此食暫寬憂
遇客誰談劒思君獨倚樓
遠江寒似有北行舟

空同子集

卷之二十七

北郡李夢暘撰 東莞鄧雲霄欽潘之恒菟校

詩類五之五 五言律

月夜繁臺會兩監察二首

送李生還郡二首

甥嘉北來出其謁逢千廟之作予爲和之嘉時

謫茂州判

送甥嘉之茂州次玉溪侍御三首

郊園遲王豸使不至

王豸使至復有此賦

空同集

卷二十七

一

王豸使旣返東月皎升乃與李曹二子徑觴吹

臺之巔口占柬王子

秋日呂公西園同玉溪侍御二首

西園酒半會玉溪侍御瓜代報至再賦二首

見和君病起鬚白輒有所贈亦答其酒過

和鄭生行經鳳陽 初冬見雪和鮑生

鄭生至自泰山二首

寄鮑崇儒

送趙訓學滿歸二首

秋過內弟漫賦二首

贈陳生二首

七夕雪臺子過東莊

贈程生東遊

寄題高子君山別業

立春柬鄭生問其愁病

送劉尹赴徵

冬日寺集觀趙帥射

丁亥寒食柬養素

喜程生自吳中回致五嶽黃山人音問二首

伏日載酒尋高司封讀書處二首

懷五嶽山人黃勉之

郊居柬竹溪子

聞吳郡黃山人將遊五嶽寄贈一首

東莊冬夜別程生自己

空同集

卷二十七

二

己丑八月京口逢五嶽山人

京口楊相國園贈五嶽山人

右次贈答四十六首

經長陵詣黃花鎮 白洋城

至黃花 銀山寺

出塞二首 環縣道中

寺 繁臺春望

繁臺別業 高遠亭

詣別業

中湖寺二首

南湖

北望畏雨不至

下南湖

曉行雲夢澤

劉家隔

浮漢

浮江

九江

發九江

豐安莊

圓通寺阻雨

圓通寺阻雨聞石門礮橋斷水湧阻往東林

五老峰

再至洞院

迴流山亭

折桂寺

團山登望

芝山望

芝山寺感事

龜峯

空同集

卷二十七

三

泊安仁

鉛山

市汊夜泊

豐城夜泊

舟往臨江卽事

雨泊豐城

夜行盱江

赴新喻

自進賢趨撫州

雲山渡

玉峽驛夜泊

白沙驛

澗富嶺赴安福二首

鬱孤臺

曉至鄔子驛

再至玉虛觀

仙樓

與駱子遊三山陂三首

上方寺鐘樓

首二

金山

補錄

右次游覽五十八首

五言律五九一百一十四首

贈答三

月夜繁臺會兩監察

路葉風交落臺驄晚並行時寒物色換意遠世緣輕
異國同觴地危樓片月情暝烟凭檻裏汴水凍猶聲

其二

萬里危樓夜中天朗月時快心真託酒凝望轉停卮
野色霜元迥林光燭並移依依簷畔鵲先占獨栖枝

空同集

卷二十七

四

送李生還郡

宦美庭闈隔情深郡檄催臘江舟自穩暮日首頻回
洞橘黃金摘吳魚白雪來汝親知更樂願展治邦才

其二

伯道吳門水梁公冀北雲依親歲聿暮趨郡袂還分
臘動蘇臺色春回震澤薰重過應未遠良吏漢廷聞
甥嘉北來出其謁逢千廟之作予爲和之嘉

時謫茂州判

汝謁雙忠廟徘徊幾度吟暴雲連海白積水帶城陰
自杖看碑淚誰知駐馬心未須悲遠竄不死是恩深

送甥嘉之茂州次玉溪侍御韻三首

已詫齊東謫能堪蜀道行自甘窮塞竄爭柰倚閭情
劔閣雲中棧蓬婆雪外城大江秋且底停雨濯長纓

其二

蜀道元非易人言此更難虎風生萬壑蛇徑動千盤
北望常思闕西來不爲官無言羗性異汝當郡民看

其三

雪山天地外經夏雪難消氣冷三城戍光通萬里橋
誰言州不好汝去路寧遙縱使胡笳夜猶能夢入朝

郊園遲王豸使不至

空同集

卷二十七

五

豈少銀鞍馬衝泥許故游清風微進草晴日澹生秋
掃徑童將倦看籠鶴但收異時高李會佳跡至今留
王豸使至復有此賦

晴游畚幸雨午出更便風柳重陶潛宅花霑御史驄
達人元野性濁酒本村翁酌罷桑麻晚歸燈一徑紅
王豸使既返東月皎升乃與李曹二子徑觴

吹臺之巔口占示王子

王歸不待月二子共登臺天地劃然皎山河相盪迴
轟鳴崖底葉鴈影掌中杯爲問山陰客還能棹雪來

秋日呂公西園同玉溪侍御二首

圃勝城能曲臺高野更秋席陪驄馬出情爲碧雲留
移坐鋪林葉添樽面水流潛思歌舞地指點問王州

其二

入院看垂柿臨畦羨引泉寒萋自滿地踈樹不妨天
野老疑旌旆林鳥下酒筵無云但游衍公意在桑田
西園酒半會玉溪侍御瓜代報至再賦二首
北使還朝近西城返照深霜情留果實晚意付花心
風助林臯爽雲橫海嶽陰茲游如在念應有寄南音

其二

勝地留賓切離筵散酒遲網魚生躍案摘棗脆連枝
空同集

卷二十七

六

草夕鳴蛩動天秋過鴈知河橋明日事願盡掌中卮
見和君病起鬚白輒有所贈亦答其酒過

詫汝鬚添白將無病苦形眼前真過隙身外是浮萍
客到留碁局兒呼檢藥經昔人曾領酒吾意不如醒

和鄭生行經鳳陽

浩蕩興龍地盤旋踞虎形海吞淮水白天插楚峯青
帝宅精靈聚陵宮虎豹扃萬年禋祭禮有道賴朝廷
初冬見雪和鮑生

密雲初布暝踈雨忽成花氣淺水從薄寒輕白自斜
做裘誰念汝孤棹獨思家江上宜真鴈春風遲去槎

鄭生至自泰山

昨汝登東嶽何峯是絕峯有無丈人石幾許大夫松
海日低波鳥噉雷起窟龍誰言天下小化外亦王封

其二

俯首無齊魯東瞻海似杯斗然一峯上不信萬山開
日抱扶桑躍天橫碣石來君看秦始後仍有漢皇臺
寄鮑崇儒

去日猶零雪庭葵遽復花新詩誰和汝父客自成家
水國乾侵夏田風莽帶沙長淮日易暮珍重早棲雅
送趙訓學滿歸

空同集

卷二十七

七

六旬千里客九載一羶歸路遠琴書重官貧妻子饑
塞雲迎老鬢河色戀征衣會有秋行伴關山新鴈飛

其二

宋代陳無已唐時鄭廣文道高官獨冷名美世同聞
汝挈一羶去予憐雙袂分潛潛白首淚長向渭西雲
秋過內弟漫賦二首

赫赫乘龍地蕭蕭羅雀門桑麻猶世業書史但兒孫
數過看顏帖今來爲菊樽顯親君太晚願化北溟鯤

其二

主賓俱不飲相對坐同深幸有黃花興無論白髮心

游蟲紛落日高葉下踈林靜裏聞鴻鴈疑添徃歲音

贈陳生

少小期鵬運于今尚未飛
蒿深仲氏宅鶉結憲生衣
背郭元桑樹臨河只釣磯
奉親知不苦饌有白魚肥

其二

白屋山中相黃河水後田家無釀酒
秫人索買書錢
雨過雲流野風來浪接天
行行牛角上猶掛古人編

七夕雪臺子過東莊

村落元相接園林亦互游
酒天攜榼就花夜對牀留
忽爾雙星候冷然萬木秋
誰期白頭日蕭灑共丹丘

空同集

卷二十七

八

贈程生東游

鄒魯風猶在芒碭氣有無
羈心空大澤儒行乃長途
野艇水迷鴈村樓凍集鳥
無勞怨歲暮隨處是江湖

寄題高子君山別業

君山者江陰縣之北山也高子獲焉於是自稱
君山主人予聞之爲作君山詩寄焉

一山背城起萬古號爲君秀攬江心月雄吞海面雲
金陵通地脉玉港發人文
羨彼投簪客中年卧紫氛

其二

季札墳邊業春申邑後山
一江平展鏡兩港曲成環

不雨雲煙擁長春草木斑隱君梯萬丈倘許世人攀
立春柬鄭生問其愁病

天涯春又至游子近如何病久詩難減鄉遙夢易多
藥苗春尚雪舟楫海初波舊業方山下東風徧綠莎
送劉尹赴徵

戀別當炎暑淹留到夕暉徵書昨日下循吏古人稀
風樹涼移席庭萱晚就衣明朝五雲裏爭看兩鳧飛
冬日寺集觀趙帥射

萬里橫霜氣長風快順毛將軍隻弩發壘中兩鴻號
取石敲新火開鮮弄寶刀回頭問僧者何處得醇醪
空同集

丁亥寒食柬卷素

細雨穠花候高齋獨坐辰春風無病物清世有閒人
樹濕鶯穿穩泥香燕下頻遙思養素者何處卧松筠
喜程生自吳中回致五嶽黃人音問

爛慢梁園樹江舟爾恰迴苑桃惟舊列墻柳半新栽
枝爲來人嬾花迎笑口開吳門春更好幾上虎丘臺
其二

黃子吾真畏程生爾更奇江城傾蓋日渭北暮雲時
寶劍神終合冥鴻性不移忽思千里駕慚愧昔人爲

伏日載酒尋高司封讀書處

鄭門古城曲小築成幽園爲厭朝簪擾兼辭入境喧
矮堂交雜樹炎日駐游軒默默林中意相看對一尊
其二

養寂爲園卧尋幽當暑過林深得日薄地靜覺蟬多
舊業元秔稻新亭復薜蘿誰憐朱紱客遽戀白雲窩
懷五嶽山人黃勉之

吳下元多士黃生更妙才心常在五嶽名已動三台
系自汝南出文從西漢來各天難見汝翹首獨徘徊
郊居柬竹溪子

當春弄杯醖花落恨紛紛重來日復幾飛葉滿秋雲
空同集 卷二十七 十一

寒流下鴈影古戍噪鴉群殘菊猶堪把長誼獨憶君
聞吳郡黃山人將遊五嶽寄贈

昨報三吳客將尋五嶽遊薜蘿堪製服春水正宜舟
二室雲中峻三花煙外浮住居吾幸邇先肯到嵩丘
其二

天柱峯頭雪蓮花嶺畔雲朗吟惟李白獨往更黃君
婚嫁今應畢藜藜有幸分共躋恒岱徧歸著五遊文
東莊冬夜別程生自邑

萬里孤村夜踈燈對語心風枝時響牖寒月故明林
秦隴新遊壯江湖舊恨侵側知南橐重爲有華山吟

已丑八月京口逢五嶽山人

夜雨清池館晨光散石林一舟相過日千里獨來心
樹擁江聲斷潮生山氣陰異時懷舊意應比未逢深

京口楊相國園贈五嶽山人

遠客乘秋至名園水竹分林寒番易雨池靜合偏雲
卧疴思知已逢君愜素聞蕭蕭綠雲裏誰解有論文
游覽

經長陵詣黃花鎮

沙嶺群峯會黃花一徑穿臨崖防馬駭枯木有蛇懸
鎖鑰關門壯星辰陵闕連舊驅悲虜賊得失豈皇天
空同集

卷二十七

十一

白洋城

京西太行掩孤壘白洋間已已曾通賊居庸並立關
水合桑乾去峯連塞上山聖君敷遠德秋日戰旗閒
至黃花

黃花城壓岑山合晝多陰坐見五陵霧來爲九月霖
泥生劒戟溢寒重鼓鼙沈寂寞松林外那傳孤鴈音

銀山寺

銀山倚鐵壁天外削三峰不見林中寺來聞午後鐘
僧徒住石屋雷雨拔門松西望諸陵接雲成五色龍

出塞

胡蔓黃河限秦亡紫塞存
積沙浮落日塞霧宿踈墩
哨馬三邊動燒荒千里昏
昏將軍拜金印白骨不曾論
其二

磧日淡無暉胡沙驚自飛
望煙尋戍壘聞鴈忽沾衣
大將搜河套遊兵出武威
賀蘭山下戰昨日幾人歸
環縣道中

西人習鞍馬而我憚孤征
水抱琵琶寨山街木鉢城
裹瘡新罷戰挿羽又徵兵
不到窮邊處那知遠戍情
寺

不覩空王宇誰興浩劫心
散花疑白象布地果黃金
空同集

卷二十七

十一

水霧飛梁灑夕陽迴殿陰
獨嗤簪紱客遊賞託雲林
繁臺春望

野曠孤煙靜高臺獨望時
地殘隨氏苑天濶禹王祠
晚日雲爭白陰崖花自遲
目斷南來鴈蕭然故國思
繁臺別業

地亦因臺峻天能縱屋高
宋朝四帝國禹廟九河濤
上下見陵墓風煙含野蒿
昔人聞醉此簡懶愧吾豪
高遠亭

虛亭葢樹杪四顧果平蕪
高嶽杯前出濁河
牕外紆寺杉時送響塔鶴每來呼
一約朋知飲歸車醉每扶

詣別業

跼蹐豈吾事郊遊惟獨行
風回疑引騎雪落故連城
塔樹凝先白臺雲曳未平
感時侵歲晚白髮暗心驚
中湖寺

龍象何年地千巖一澗迴
我來尋石鏡隔竹望香臺
樹繞啼猿入人從鳥道來
坐飡霞氣晚只擬是天台
其二

陟嶮扣巖扉一鐘鳴翠微
丹崖森竹樹雪壁映花飛
屋隙鳴泉寫山昏麋鹿歸
松風高壑起雲臥欲沾衣
南湖

空同集

卷二十七

十三

中湖果竒絕逾嶺復南湖
石磴迴相倚巖泉有乍無
開牕衆壑積當殿一峰孤
更覽千林竹因懷長嘯徒
北湖畏雨不至

亂山上雲氣孤客發西岑
徒瞻北湖寺其如東路心
嶺猿愁暝雨巖鳥下空陰
回首太行麓蕭蕭松椽林
下南湖

湖僧騎牝馬相送石門峯
欹仄亂石路日暝漁樵逢
蒼茫翠微裏風落青山鐘
羨爾巖居者終期塵外蹤
曉行雲夢澤

曉行雲夢澤雲起失湖村
歷歷橫江雨冥冥遠岫昏

鼉鼉當馬吼鷗鷺背人翻欲擬浮湘作吾生異楚魂

劉家隔

匹馬淮山盡孤舟漸楚歌遠商吳蜀維新雨漢江波
驕燕斜斜下輕鷗片片過整帆遲明發天色定如何

浮漢

杳杳向前城揚船浮漢行水闌天上轉色出雨中明
已近鳴鷓月長看龍霧生陳詩歎秣馬風浪獨含情

浮江

浮江晴放舸挂席曉須風日倒明波底天平落鏡中
開牕問赤壁換柁失吳宮萬古滔滔意潯陽更向東

空同集

卷二十七

十四

九江

九江江九流廬嶽負江州世代催前浪圖書羨上游
城孤落日映虎去暮天幽夜笛鄰舟送曲終無限愁

發九江

已發南風盛須時且復停岸沙延繫纜竹色隱回汀
行待江水穩臥看廬阜青此生誰固料湖海一浮萍

豐安莊

地氣南逾熱僧林晚暫栖雲開一江去日在萬山西
修竹涼風至昏鴉古木齊凭高忽灑淚清世有征輦

圓通寺阻雨

巖扉鄰虎穴淹坐面猴江山動雲生眼風迴雨入牕
漸交松際響驀鬪石間龍鈴磬煙蘿外高峰只自雙
圓通寺阻雨聞石門礮橋斷水湧阻往東林
石門雨斷橋途阻虎溪遙仄想遠公室秋蓮應盡飄
愁猿吟霧裏落葉重林腰更有天池望巖巖向碧霄

五老峰

東南濤浪吞五老古今存秀色彭湖浴諸峯廬嶽尊
中宵見海日南斗豁天門霜雪顏常靜雲煙解變魂
再至洞院

昔別秋色苦今遊風澗清穿石竹猶活雨過泉自生

空同集

卷二十七

十五

禮殿古門換釣臺新路平獨來誰每見雲日此峰情
迴流山亭

亭高山盡入回首見鄱陽天地開吳楚絃歌有宋唐
峰雲低棟白湖日倒碑黃六月吾來此涼風不可當

折桂寺

折桂何朝院開基分翠峰牕明五老雪門掩半嗟松
泉瀑飛人過香臺印虎踪千巖誰得到百里但聞鐘

團山登望

石壁朝饒
二山名

團山當縣口石壁對朝饒日靜湖波斂天似島色遙
風雲餘霸氣吳楚混前朝秋水年年落英雄恨不消

芝山望

吳楚分何代乾坤此郡孤江從樹裏斷山入雨中無
戰鬪名空在英雄世與祖酒酣撫長劍極目盡重湖
芝山寺感事

偶到芝山寺遙傷薦福碑霜雪十月動秋戰萬家悲
涼入丹楓墮岷高黃葛垂洪鈞融萬物黔首獨旌旗
龜峰

立壁有天地浮雲無古今仲冬諸客到落日亂峰陰
峭峽通人過危巖把酒唸竒多看不徹昏黑更登臨

泊安仁

空同集

八卷二十七

十六

宮舟商泊同城近月濛濛戍鼓夜長擊漁燈時自紅
鳥鵲枝難穩豺狼穴易空向來論大樹心切古人風

鉛山

山水交閩越東南古縣聞一峰晴冒雪兩水晝蒸雲
石井鵝湖倚車盤鳥道分儒官荆棘裏寒葉痛紛紛
市汊夜泊

此夜章江月無端照獨舟人生真梗泛歲暮且帆遊
臘逼寒燈焰波吞霽雪流坐吟風鴈起漁笛滿前洲
豐城夜泊

夏至北風三晚晴涼意增江船逼新月沙色亂踈燈

暗槳故相撥浮陽還自蒸倚檣看劍氣仍見斗間曾
舟往臨江卽事

直岼含風細中江放舸安地隨帆席轉風進晚潮殘
霞樹迎牕過晴山卷幔看遙驚雙浴鷺色舉向雲端
雨泊豐城

古岸花層濕陰江鷗半飛波迴撼船重雨側入簾微
潭愛金華湧亭傷寶氣稀二年三歷此腸斷北舟歸
夜行疇江

燈火遵山閃旌旗折路顛仙壇杳不見片月故須親
土俗漸異楚人言多雜閩豈無噐不足訟簡愛吾民
空同集

卷二十七

七

赴新喻

露樹且烏啼孤舟晨向西蕭灘千百轉昏暮到羅溪
古驛屯雲密平沙沒日低楊帆更前去月夜不須迷
自進賢趨撫州

炎域霜何厲寒原木欲稀肩輿隨落葉晨日上征衣
路勢東南轉北風鴻鴈歸東鄉新血戰巢破鳥猶飛
雲山渡

渡古雲山積江明日色饒霜融水更落野靜路堪遙
冠蓋行相望干戈氣未消傷心弄兵者汝業本漁樵

玉峽驛夜泊

晷泊無風夜江船深白涼雲纖沾葛細月湧去波長
古峽銜孤驛名山引玉梁前途堪躍馬旦發問仙鄉

白沙驛

沙古幽幽白江新泯泯清水銜村作國山繞驛爲城
萬里將南徼孤槎且暮征壯心與落日向波明

澗富嶺赴安福二首

三月赴安城遙攀嶺路行前驅真避虎絕壁亦啼鶯
周覽物色換極高雲氣迎俯看南贛路孤舸會將征

其二

山行忽百里步步山情新蘿擁千盤透花齊萬谷春

空同集

卷二十七

六

寒暄不異地憂喜暫隨人默誦垂堂戒私嗟名利身

鬱孤臺

朔日送客返慨然登鬱孤悲歌爲閩廣指益江湖

南俗羗夷雜北流章貢俱兵舸尚滿眼繹繹詣饒都

曉至鄔子驛

湖夜乘風過天明見驛樓數家依獨樹落月隱春洲
日抱越峯上江奔吳徼流姚源東水外兵甲氣還浮

再至玉虛觀

龍沙欣自昔久泊遂今期雨露新松大丹青舊殿移
岸雲通繡拱江日抱金池欲倚門東閣愁看日暮時

仙樓

仙樓忽欲暝鐘鼓下江煙獨坐一燭秉當門新月懸
石寒壇近斗沙靜樹浮天半夜朝羣帝珊珊羽節還
與駱子遊三山陂三首

庫部平生友湖山百代心追思宮闕地蕪沒水雲深
連馬穿蘆入羣鷗坐石吟誰能堪落日莽莽古城陰
其二

丘壑胸應滿乾坤眼獨真揚鞭指河洛立馬說周秦
古墓笙歌地前朝戰伐塵秋風颭颭起白草正愁人

其三

空同集

卷二十七

十九

日扇逢林却風旗改路迴悲涼元此嶽攀陟復何臺
雲破遠峰出天秋孤鴈來明朝異南北歸騎莫教催
上方寺鐘樓

臺上一鐘鳴登臺萬里平兼葭天正遠雲氣暮還生
饑雀喧空澤黃蒿斷古城不堪臨眺屢况是感秋情
其二

危閣秋登霽寒煙晚坐重長風欲動地落日故銜峰
葦颭騰雙鷺雲拖挂一龍此懷吾不淺怪爾暮鳴鐘

補錄

金山

狂瀾日東倒此嶼忽中流
蜃學樓室結龍專瀕洞遊
光涵天上下影變地沉浮
解識超三象何須問十洲

其二

歷險仍攀閣窮高更指臺
一身銀漢上四望鏡波開
吳楚地形伏江淮秋氣來
暮潮益滾滾風葉下崔嵬

其三

寺立江心古人遊秋舸新魚龍
狎不浪草木潤長春
忘險卑崇構貪竒健病身無爲
孤柱恐焦鳴接嶙峋
箋云金山詩三首是先生晚年過吳時作其格
律嚴整可謂克壯其猶他人稍放逸便失故步

空同集

卷二十七

二十

益服此老爲不可及如吳楚地形伏誰人能道
豈惟張祐奪氣哉

空同子集

卷之二十八

北郡李夢陽撰 東莞鄧雲霄欽潘之恒蒐校

詩類五之六 五言律

乙丑逢先大夫誕辰是歲適蒙 恩詔加贈製

字四十用寫哀痛

兄以西堂落成益悵然有念於二親余心交痛

頌義追德爰成茲詠焉

讀直道陳公祚遺事

哭郡守郝公 哭張子二首

謁平臺先生墓 温將軍輓詩

空同集

卷二十八

聞鄭生死豐沛舟中二首

右次悲悼十首

風 春夜雪

餘雪 春雪時 帝在宣府

立春日雪 鸚鵡

詠部鶴 詠鶯

詠白兔 鴈

衝鴈之六 白鴈

襄中見鴈 東菊

菊時一種數本其一逾秋獨妍爰及至日黃華

華然當庭見者駭歎攜酒來賞予賦二詩

菊遲
文菊和王左史

葡萄
聞蟬

詠蟬
詠庭中菊

小燕
小雀

小鵲

右次詠物二十五首

詩類六
五言排律

華嶽二十韻
新秋值雨十韻

五月大雨省中八韻

空同集

卷三十八

紀變二首
冬日靈濟宮十六韻

簡何舍人二十韻

少傅西涯相公六十壽詩三十八韻

在獄聞余師楊公誣逮獲釋踴躍成詠十韻

赦出館李真人別業顧侍講清暨汪編脩俊俊

弟編脩偉許枉訪不至十韻

赦歸冬日宴劉氏園庄十四韻

冬至劉氏園庄十韻

冬野觀射三十四韻

六月豫章城角樓宴集二十六韻

鄱陽湖十六韻 哭徐博士二十韻

南浦驛見官押送來降韃韃詣桂林
貢院雨夕柬僉寮內江李君十四韻

龍沙遇毛君武亭再餞

秋日訪王生山中因與攜酒躡嶠探蠻王洞觀
古刻遂踰嶺造峴石而飲二十二韻

寄陸子深二十四韻

送陳憲使淮上兵備

寄贈余子 雨宴封丘別第

黃君五十六歲始舉一子是年余亦有次郎黃

空同集

卷三十八

三

冬官也厥父尚書余故得侈其家世

秋日城東陂餞汪三

雪臺子家見杏花 贈王秋官二十四韻

贈復齋子二十韻 陶行人宅贈

漢上遇鍾叅政 登盤山頂顧望三湖

右次排律三十一首

五言律六 凡三十五首

悲悼

乙丑逢先大夫誕辰是歲適蒙 恩詔加贈

製字四十用寫哀痛 冬、季二日

老大思童日詩庭儼昔趨羈孤萬里外優渥死生俱
寂寞臨花誥幽冥列大夫西雲白蒼莽灑血望松楸
兄以西堂落成蓋悵然有念於二親余心交
痛頌義追德爰成茲詠焉

矯矯江都相淒涼楚穆生家貧無立業道大不求名
破甑常蛛網空除任鳥行肯堂兄不忝應慰九原情
讀直道陳公祚遺事

上主能容直當言敢顧身累朝傳諫劄萬死作歸人
古廟穠花晚孤墳勁草春從來汨沒士特筆在詞臣
哭郡守郝公

空同集

卷二十八

四

征歛無休日斯人不永年曾聞溪虎避早見壁魚懸
頌碣留邊郡銘旌拂塞天九河一孤塚愁絕海門煙

哭張子

張子者平谷張子禴也以都御史鎮遼東顯矣
然無何卒李子者張之舊僚也聞之哀焉於是
作哭張子二章語曰歲在龍蛇賢人嗟張之卒
庚辰歲也

虎豹威邊日龍蛇哭爾年故人今若此吾道合潛然
部曲歸旌擁風雲舊國連薊門秋草徧何處是新阡

翰海龍真泣遼陽鶴竟歸壯心元鐵石神爽尚旌旆
光繞新埋劔香殘舊賜衣至今生仲達猶怯孔明威
謁平臺先生墓

豈說嬉遊路今成昔雍門平生馬公帳四海孔融尊
劔馬收殘草山河抱古原黃昏不忍去白日下高園
温將軍挽詩

不見千夫勇誰開百戰圍門猶森畫戟苔已蝕金衣
俎豆諸郎奮山河奕世輝黃昏兩白鶴偏繞北邙飛
聞鄭生死豐沛舟中

短劔英雄氣孤舟疾病身那知生別後竟作死歸人
空同集 卷三十八 五

汴柳詩筒斷江花總慢新白頭交誼者灑淚向殘春
其二

客觀收豐沛歸舟渺越吳扶持有令弟書劔付遺孤
墓草親朋隔山松舊業蕪當年走馬地元祐孝王都
詠物

風

鈴閣晚猶急月窓宵漸輝稍驅雲霧散翻重雪霜威
起坐爐須擁晨看木盡稀徘徊問氣勢恐逼漢宮闈
春夜雪

獨客初春夜孤城急雪時戰風纔白地欺月已平池

數聽鴻飛亂虛愁花發遲世無戴安道誰見剡舟移
餘雪

饑鳶側目過餘雪且紛紛風起惟催霧天空故縱雲
回聲捎竹細疊片壓枝分憂國非吾事占年亦自欣
春雪時 帝在宣府

鴉鳴曉雨至零亂忽成花着地融難白隨風弱易斜
色應疑燕雀寒恐滯龍蛇塞路今休擁春風返翠華
立春日雪

獨有梁園雪風花賦裏寒婆娑遇春日醉起倚樓看
鳥動紛離樹人來故上闌相逢亟農事誰暇問袁安

空同集

卷二十八

六

鸚鵡

鸚鵡吾鄉物何時來此方綠衣經雪短紅觜歷年長
學語疑矜媚垂頭知自傷他年吾倘遂歸爾隴山陽

詠部鶴

寄跡含香舍淹情嘉樹林長鳴如有訴狎俗到如今
不染風塵色常存霄漢心會應王子晉接爾向嵩岑

詠鶯

嫋嫋花絮亂交黃鳥歸慙慙度碧葉迴轉惜金衣
不向艷陽語似傷儔侶稀王孫多彈射莫羨上林飛

詠白兔

趨趨來何處爰爰上玉堂不因丹竈躍那覩雪毛香
晝日行疑月炎天臥有霜異時歸搗藥莫礙廣寒光

鴈

旅館經花夕哀鴻時一聞孤鳴元趁侶亂語欲驚羣
漸起隨邊角遙傳隔塞雲更深何處落斜月轉紛紛

衝鴈

可怪鄱湖鴈昏飛猶自羣乍翻還近舸忽起盡隨雲
浦闊看疑小山長去不分祗疑南下盡猶阻北書聞

白鴈

八月白鴈至中宵聞爾哀亦知先伴起無爲報霜來
空同集

卷二十八

七

月靜飛難見雲深去不回故園消息斷愁病轉相催
襄中見鴈

秋風羣鴈過萬里順歸毛搖落已如此雲霄空自高
盈盈拂楚塞冉冉影湖濤定出邊烽裏哀鳴嗟爾勞

菊

日麗秋霜白天清野菊黃亦知甘隱逸偏得近壺觴
屢折元因醉斜簪一任狂乾坤傳舍耳節賞莫思鄉

菊時一種數本其一逾秋獨妍爰及至日黃

華韡然當庭見者駭歎攜酒來賞余賦二

詩紀之

節過諸芳盡冬深爾獨妍那知冰雪候復敞菊花筵
藥凍黃逾嫩枝疎綠更鮮試令彭澤見應費掇英篇

其二

正色干巖候殊姿破暮寒名均梅自妬節晚竹同看
歲月陽回易冰霜爾立難無言載酒客繾綣近闌干

菊遲

吾家數叢菊節近未含姿種日人同早開時爾較遲
編籬護密葉繞砌嗅寒枝切恐重陽至無錢足酒卮
文菊和王左史

文菊今朝得低垂九尺闌發遲冬已破移早露猶團
空同集

卷三十八

八

食藥蹇難及憐芳仰屢觀縱令他處有爭伴醴筵歡
葡萄

舊榦疎曾訝新條密更垂苑花深悄悄風葉漫披披
馬乳秋同摘龍鬚世豈知相傳自西域種雜至今疑

聞蟬

夏林疎過雨秋意爾能知響入雲俱迴聲迴風故吹
抱貞惟隱葉避宮屢跳枝多少垂楊裏爭吟日暮時

詠蟬

孤清不自掩浥露且風吟漸送炎蒸月那知獨苦心
傍齋棲樹穩響葉度雲深已信一枝足何須上國林

詠庭中菊

亦隨羣草出能後百花榮氣爲凌秋健香綠飲露清
細開疑避世獨立每含情可道蓬蒿地東籬萬代名

小燕

小燕羣騰壘朝游夕每歸踏枝搖復穩疑路止還飛
日月銷黃口風雲長黑衣吾家廬室隘好向玉樓依

小雀

黃口青條上翩翩索哺頻解飛猶趁母真性不疑人
列鼎肴菹待空城彈射巡野田禾黍遍何處不宜身

小鵲

空同集

卷二十八

九

簷際翻翻鳥將雛喑喑行攬眠真懊惱傳喜不分明
化印何年就填河幾日平徒然盛生息羣噪每能晴

五言排律

華嶽二十韻

有嶽雄西土三峯插渭川省方朝白帝分野障金天
逖矣威靈赫遐哉秩望虔百王開寶籙七聖演瑤編
綺殿丹青列文窓俎豆聯風雲蒸大壑日月避層巔
鶯舉天門闢鷲吐地軸旋巖巒莽翕省嶺嶂鬱縣翩
猿挂仙人掌蘿飛玉女泉霞雰夕的皪錦繡曉相鮮
葛藟搖金壁芝苓冒紫煙石膏滲復結鐘乳滴猶懸

右壓秦胡壯南包漢鄧偏徒追散馬日緬憶祖龍年
箭括通神戶雲臺秘妙笏豈惟棲鳳侶亦以遯鴻賢
方士騎茅狗宮人採石蓮寒帷瞻窈窕拄笏悵攀緣
陰井邀雷馭陽崖起電鞭聊遊凌絕頂不爲學神仙
新秋值雨十韻

積雨塵營寡端居羈思繁火流驚暗換鶴濕想孤鶩
鬱暑終收虐新涼已破煩覓詩謝眺閣高枕右丞軒
簷溜衝花落離湍卷葉奔隨龍動玉闕辨馬失金門
亂案螢那聚歐齋蛩已喧造朝疎雨具邀友阻吟尊
塞國柳應盡上林花幾存忽思禾在野躑躅望朝暾
空同集 卷二十八 十

五月大雨省中八韻

五月行秋令新寒奪盛溫萋萋雲色暝颼颼雨聲奔
啓戶涼風進臨溝驟浪喧連山浮海氣大陸走河源
已阻金門謁疑將華屋翻夜更燈燭坐晝輟簿書煩
豁霽思長劒歸栖憶故園解誦愁霖作泥中非遁言

紀變

元年建申月彗出掃寒芒勢掩旁星布光於中夜長
連斥竟大老密奏合文昌台以司空坼星知上將亡
流通人事邇仁愛帝心藏忽憶臨崩詔看天淚數行

太白今宵見光芒何太明經天復晝見國難且胡兵
度影休銜闕低空幸隱城天高聽亦下人勝運須更
避殿惟皇切推輪遣將誠羯奴行就縛飛慰諒闇情
冬日靈濟宮十六韻

貝闕崑崙外浮生此路疑蓬萊移禁國塵世出瑤池
萇爾雙仙跡飛騰後晉時論功竟恍惚識兆且逶迤
愆憑精靈託呼噓霹靂隨先皇親議號繼聖必脩辭
爵陟王侯上尊同帝者師龍襦分內錦宮女準昭儀
雨露宮城切星辰天仗移琳琅搖繡栱松柏蔭丹墀
瓶內金花踊龕前紫鳳垂晴還日月秘暝則鬼神悲
空同集

卷二十八

十一

玉鼎推龍虎瑤編述姹兒漢惟樂大顯秦竟羨門欺
五帝非無術千齡今見誰累朝盟誓冊玉櫃少人知
簡何舍人二十韻

黃扉通內閣左順切文華密勿君臣契尊崇禮數加
詞頭存故事國體與宣麻奏絕銅函密封非墨敕斜
四門欽舜闢隻日鄙唐邪乾斷人心協風淳主德遐
萬方咸就日六合迴爲家司馬元牛走臥龍曾兔置
吹噓振羽翮變化奮泥沙邦計思劉晏兵謀愧左車
分番春扣闥捧牘晚歸衙影拂垂城草香攜出苑花
雙言經違白虎投筆困青蛇每憶仙池鳳私慙省樹鴉

拘羈那有道追琢冀無瑕不忍醒爲醉胡由玉倚段
聖朝巢父耳荒里邵平瓜稔抱丘園欲私祈紀運嘉
鳴文極燕許熙載老姬牙帝澤川歸海浮雲莫蔽遮
少傅西涯相公六十壽詩三十八韻

龍馬千年會崧高萬古神負圖曾翊聖間氣又生申
穎拔元無敵清脩况絕倫生來近日月齟齬上星辰
懷橘休前輩探鐸祗後身早承金馬詔竟冠玉堂賓
講幄時霑醉官坊數賜珍文章班馬則道術孟顏醇
絕藝邕斯上高情頡籀隣一揮驚霹靂隻字破風塵
絢練王侯宅蒼茫海嶽澗幽劊光沕窟巨榜照嶙峋

空同集

卷二十八

十一

星燦將軍碣雲垂學士珉崖題半吳楚墨刻徧齊秦
振鷺天衢麗登龍野服臻諸生彌濟濟天子益循循
江漢誰堪濯桃梅自有春空傳馬融帳真慕介休巾
憶昔逢先廟援公輔大鈞至人虛密勿君子以經綸
商鼎調和切虞廷吁咈頻八方生氣象萬物荷陶甄
日宴離黃閣雞鳴侍紫宸羨分紫駝背袍錫錦麒麟
顧命留元弼今皇禮舊臣屹然匡社稷公論在朝紳
鶉首星躔徙龍飛歲序新風雲回甲子天地慶茲辰
却老形如鶴憂時鬢若銀含悽麾賀客雅志爲蒸民
愚也蓬蒿士蕭條塞鄙人猥蒙嘘弱羽從此躍塗鱗

原憲終多病彭宣晚見親臨洋徒歎惋學步轉迢迢
寶繪開蓬島清歌頌大椿微涓寧溢海撮土詎增岷
古意同如此中懷托具陳願爲金石檝永永濟迷津
在獄聞余師楊公誣逮獲釋踴躍成詠十韻

六苑中丞府三邊大將旗先皇親授鉞報主獨牽帷
朔漠威名壯風霜鬢髮衰功高元避賞道大不容時
丞史輕周勃朝廷重子儀未論遭鵬鳥先已縱塗龜
北固潛夫早東山起謝遲蛟龍沒海闊日月倒江垂
杖屨金山寺文章鐵甕碑終頒陸贄詔四海漸瘡痍
赦出館李真人別業顧侍講清暨汪編脩俊

空同集

卷二十八

十三

俊弟編脩偉許枉訪不至十韻

開業傍仙宮逶迤金闕通綵雲偏近日瑤草靜含風
野性耽沉寂攜遊想數公秋林葉自落露井果猶紅
搖筆憐清景吹簫望碧空寒山萬井外滄海五陵東
却笑籠鵝侶翻成失馬翁生涯真畫餅故舊各飛蓬
對食懷金馬開筵列玉童不知東閣士清論幾時同

赦歸冬日宴劉氏園庄十四韻

脫難旋疆里行歌入宋中陰陽雙轉轂天地一飛蓬
憶昨遭拘繫悲傷途路窮鄒生猶雨雹列子竟乘風
歸作墟中叟來從河上公壺觴聊假日村塢坐書空

上築劉園麗芳非漢苑通冬亭饒霧露陽井下霜虹
候煖冰桃熟林空晚柿紅玉芝穿曲檻青篠蔽虛櫳
樂極悲心發時違感慨雄古人隨蔓草吾道付冥鴻
去魯情難忍遊梁跡豈同重思竊符子攬淚宋門東
冬至劉氏園庄十韻

暖暖寒城曙縣縣野徑紆初陽升古戍白露靜園蕪
款客琴尊並開堂松樹孤登高望雲物極目散江湖
孟澤虵龍伏芒碭鴈鶩呼行藏虞氏傳勲業阮生途
且盡留連飲休嗟序運徂羣蟲迎節動百卉待春蘇
日月悲羈旅乾坤識故吾寄言招隱者斯地有潛夫
空同集

卷二十八

十四

冬野觀射三十四韻

繁臺一名講武臺

雲驥橋邊路繁臺寺畔亭登臨壯古昔時序歎沉冥
乍見芳草歇那堪霜霰零冬殘柏自秀春逼柳先青
叨有衣冠會能教酒盞停狂將賓作主與與醉爲醒
講武仍存記威弧合準經鵠違遵取解羆獲放懸庭
矢勁風推疾弦開月避形奔狸失故窟矯鶴墜生翎
疊發無單中虛歸必染腥叔才羞縱送蒲弋愧娉婷
末德矜先捷高賢哂一丁雖非尚力藝亦異養心靈
改服遊荒寺攜壺扣寂扃雪光搖凍薄冷鳥下昏汀
宿鴿爭崑坎鳴鐘出石櫃哀因樂乃發慮以道爲寧

憶昔遊梁始伊余實孺齡探錄遊汴館懷橘向王庭
十五飛觚翰冠年志典刑彎弓獵草澤走馬向林垌
頗類沙頭鴈還慚水上萍謬隨朝日月過舉犯雷霆
擯斥傷垂鵠棲遲學聚螢無論顏灼灼已睹髮星星
岩眺殘雙屨川游寄一舲烟霜日慘慘河漢夜泠泠
感舊聊今詠勞歌啟後聽世情真箭括吾意竟雲駟
嗜武非良節摛文豈至馨緬思羨門子永慕令威丁
海帝金銀闕江妃碧玉瓶終當別茲土長嘯入滄溟
六月豫章城角樓宴集二十六韻

逃暑宜高會登城復此樓開窓萬里盡近檻一江流
空同集

卷二十八

十五

城勢銜天闊山形抱郭幽登臨出百越指顧見東甌
暇日羣公集飛軒六月秋管絃邀落景觴斝散清眸
俯窺雲偏擾迷波地欲浮時花紛浦淑昏鳥識林丘
忽在三辰上真超萬象遊寰區憐溷濁車馬鬱喧啾
解帶烹魚飫揮毫藻麗酬微風閒白羽岸嘖送沙鷗
自昔觀中宇洪都實上游匡廬巍翠嶺彭蠡浩漭漭
節鉞唐開府春秋楚大州文章滕閣最風節穉亭優
下榻塵埃滿鳴鑾樂事收濤聲還粉堞草色自芳洲
已有興亡感兼懷盜賊憂羽書諸道急節制大臣留
立見鯨鯢戮私防玉石仇干戈沉戰艦風浪羨歸舟

河嶽三晉秦關啟二周凭闕慙後食彈劔想前脩
解組陶公性思鄉王粲愁獨啜非燕領猶自說封侯

鄱陽湖十六韻

太祖平陳日樓船下此湖波濤留壯色天地見雄圖
水上開黃屋雲中下赤烏士猶詢後載戈已倒前徒
力屈鯨鯢什聲回鴈鷺呼橫江收玉筍跨海定金符
文軌遙通楚梯航訖至吳虎賁雖莫敵龍戰豈全辜
血染猶丹草骨沉空白蕪汀洲夜寂寂霜月鬼嗚嗚
殺氣鼉鼉徙腥風島嶼孤晉人拾古鏃艇客慨秋菰
偉彼高光烈還將蕭鄧須英謀協睿筭勇奮想長驅
空同集

卷二十八

十六

劔瘞神仍王舟焚勢與徂康山魏廟在忠武激頑夫

哭徐博士二十韻

乾坤風色暮江漢哭斯人棘寺翻飛日文園久病身
數奇官竟左材大命須貧放浪原違癖羈淹祗爲親
赤城終羽節璧水暫儒紳鷓鴣偏垂翮鯨鯢不縱鱗
回俎豈道薄屈憤轉時屯藥石魂能返龍蛇讖亦真
楚狂嗟鳳鳥魯叟泣麒麟邂逅京華始風雲氣象新
筮鷓陪玉筍倚馬接華裯宅燕南陽月花吟東郭春
回頭成宿昔開眼漸風塵妻子今誰託文章後益振
王喬跨鴈鴒傅說化星辰松柏丘墳崛灰沙劔鳥陳

閨門寒擊甕吳水痛沉珍宿草扁舟阻生芻絮酒伸
碑非蔡邕愧誅豈仲宣倫獨把延陵劍吞聲淚滿巾
南浦驛見官押送來降韃靼詣桂林

款壘因王化投荒荷主恩官爲供廩餼詔許挈兒孫
瘴雨凋胡服蠻鄉引塞魂分明共日月耐可異乾坤
慘澹顏容變軒昂故性存彎弓望五嶺似欲遂平吞
貢院雨夕柬僉僚內江李君十四韻

鎖院春霖積分司湖水遙萋萋灑書閣藹藹度空寮
葉洗臨軒翠花含向客嬌扣簾時攪食翻卷夜焚膏
竟誤朱衣點那防白鼠跳蛟龍雲雨會牝牡驥羣挑

空同集

卷二十一

十七

忽有同宗念爰申獨處謠涕流真慕賈兵論每淩晁
意氣陳雷許時名李杜超暫違萌鄙吝相憶減丰標
草徑青迷馬楊津綠漫橋樓臺廻暝色江海劇風潮
恒切毛錐歎常懸寶劍招橫鱗詎池沼鷓鴣快雲霄
龍沙遇毛君武亭再餞

羈鴻常慕侶谷鳥友先求不盡龍宮興翻成虎帳遊
夏深濃岸柳雨減出蘆洲棹艤北沙穩山迎西戶幽
江湖半落照風水獨離憂舊部羣公薦新符百粵州
天浮洞庭闊海盡日南流曰首今遙別金尊莫捲留

秋日訪王生山中因與攜酒躡嶠探蠻王洞

觀古刻遂逾嶺造峴石而飲二十二韻

舊見今相聚新秋爾一過我尋龐氏鹿本美右軍驚
草木疎孤峴霜風落漢波紆習池轉巉峭寺林多
道器沉冥蘊天倪吐吸和違羣甘衆吻守一賴神訶
貧擬懸鶉憲廉持訓蚓軻甲縻魏世業章甫發賢科
獻策蕢偏斥逃名籍每酖巨魚行縱壑隻鳳且遊阿
嫋嫋交簷桂菁菁被隰莪柴門伴老衲蕪逕謝鳴珂
園賁幽人吉谿盤碩士邁卜隣王翰欲懷里仲宣頗
去就堪余哂生涯奈路何昔人竟誰在吾道合狂歌
逞醉探雲嶠逾巔越石窩洞昏剝字辭巖裊掛巾羅
空同集

卷二十八

十八

一水寒明練千峯暮集螺笑疑搖地軸手可拂天河
窈窕奔山鬼光華掩珮娥預防羲馭速取辨魯陽戈
寄陸子深二十四韻

爲復淹邦邑旋仍寄海城一看東泖月幾喚北江鶯
地濕身曾健潮誼寐果驚烏情終急哺驥子竟何成
踽踽形將影滄滄弟憶兄累朝誰直筆四海獨蒼生
前漢留班史雲間挺陸衡餐揮巨口鱠臥聽九臯鳴
方朔元金馬長門足長卿文章會琬琰舉動必鏗錡
夜有青藜引晨趨華蓋行數甄楓禁切視草藥階清
夙昔鄱陽使伊余擁憶征雲霾負隅虎風湧駭波鯨

黯黯川原血轟逐玉石傾衣冠函竄突戟劍戛摩爭
卽幸緘書達猶慚虛左迎扶搖冀奮翼驟裏忽垂纓
混沌玄黃戰陰沉日月精眉山亦按獄谷口合歸咩
早見羞張摯交讒似屈平竟陳徒憤鬱高義祗拘僇
茫渤任公釣緱岑子晉笙吾衰尚餘此長嘯舞霓旌

送陳憲使淮上兵備

世徑轉蓬勤清秋袂一分攬綏霜日肅前路鼓笳聞
誅卯元兼武出師非乏文渤光搖組練淮色變風雲
陣偃龍蛇互威行虎豹羣檄須陳記室客有玉參軍
校獵歸常月投壺醉每曛椎牛將士飽賣劍婦男耘
空同集

卷二十八

十九

河伯黃樓壓芒碭赤氣殷徐人信慄悍楚壤鬱氤氳
諸盜山東起長驅宇內焚斯邦實兀兀朝論日紛紛
挽漕初疑阻提兵竟策勳瘡痍鑿不遠喉脇仗須君
鷄擊豺狼伏春敷草木薰異時功業地壩海接江濱

寄贈余子

余子去吾久行藏今若何黃山住實近白髮爾應多
身以煙霞癖心通日月和龜蒙元倚釣康節竟成窩
林壑潛虬日江湖放鷁過鄉人欽杖屨世路笑風波
初度臨萸菊高筵敞薜蘿橘陳屈子頌鶴擬李生歌
日落峯回色雲香客半酡壽杯思欲把惆悵隔三河

兩宴封丘別第

飛蓋凌晨集行宮映雨開天爲歌鼓動霧拂舞筵迴
賓客梁王盛山河故國哀長沙悲舊傳屠市隱真才
憶昔兒童聚惟今老大催達人元曠逸萬物且形骸
樂混寒聲沸尊添暝色來斜風霑綺席疎點灑金杯
雜逞龍仙互先爭虎豹摧轉眸升旭日覆手下秋雷
尚有權娛歎須防禮法猜門衢汨泥淖莫遣引燈回
黃君五十六歲始舉一子是年余亦有次郎
黃冬官也厥父尚書余故得侈其家世

空室同集

卷二十八

二十

鷲墮懷中月俄橫掌上珠試啼存大鑑摩頂協玄符
彌月翻身健暮年認父呼聿曾提俎豆詎但識之無
鄉里論前輩尚書挺後模終於金石賈貽厥鬼神扶
冠玉元諸子含香矧丈夫急流棄軒冕長嘯卽江湖
人每占瞿後天應福趙孤外家邠老裔晚景樂天雛
瑞擬連胎蚌賢期返哺烏星辰追履上詩禮紹庭趨
抱子誰非足憂時爾實迂向來顛種種今始覺于于
失路均浮梗爲隣獨守株弄璋亦偶爾獻璞欲何須
漫俟兒童長虛愁日月驅龍豬吾暇較天地幾桑榆

秋日城東陂餞汪三

聚首仍何處分襟復此陂衣冠屯綠淑笳鼓截清海
自爾爲三益伊余畏四知周交醇稔飲車坐衆賓嬉
歎息今遲暮那堪古別離池臺杜甫徧舟楫謝安移
棹撥天疑破窓旋岸欲隨涼風下菡萏人語避鳧鷖
暫輟兼葭唱眞生霜露悲但看眼前事能負手中卮
歛色誰黃髮汪門汝白眉少遊梁孝苑老動季鷹思
杳杳憐江海悠悠悵路岐餘霞散錦繡落日湧琉璃
雲物秋元異懽娛夜更追寒蟄依斷梗微月隱疎籬
逸氣衰猶壯睽心醉不知淚深南浦草愁重北梅枝
飲罷還持袂潮平是去時相尋有遙夢應繞碧湖湄

空同集

卷二十八

三

雪臺子家見杏花

九陌春風起居庭一見花偶來吾下馬先有客停車
猶是輕寒日那禁爛熳霞覓詩巡獨樹汎酒摘高葩
色故流衣袂香能染帽紗眼中俱是幻身外豈須嗟
冷暖隨人事行藏付物華明朝約重賞莫遺落塵沙

贈王秋官二十四韻

紫氣開三極皇風穆四陲
嶢嶢金虎地瀟灑白雲司
東掖才賢入飛騰位望推
呂條元慎罰虞典固先疑
聿自刑書鑄相沿律令垂
歷朝徒異議聖代實宏規
域皞麒麟至囹空狴犴
離羣居搜簡帙高揖講黃羲

眷此驕騮種曾於汗血知鯉庭真獨授鴈塔果爭馳
爾在通家子余慚私淑師橐驚文考賦智讓孝娥碑
道路分雙旆江湖把一麾閣清霜並肅車動雨偏隨
禮樂徵王粲聲名采杜詩大龜終納錫威鳳合來儀
振珮游香署戎冠侍玉墀臯陶淑問日李路片言時
汝遂青雲致吾寬白髮悲仕途迂謬逐丘壑太平宜
但看陰陽轉寧論桑海移雪溪王子棹竹墅謝安碁
顯晦誰能料流行每若斯寄言諸彥碩努力赴前期

贈復齋子二十韻

豈謂懸弧日今逢獻襪辰

丁亥十一月十九日冬至梅樽初介壽

空同集

卷二十八

二十二

葭管暗浮春王國多賢者朝廷是聖人八荒元皞皞
七世益派振莽莽斗天元氣南陽帝近親方城鬱律
江漢白粼粼憶昔生申甫崧高實降神一陽消長意
七日往來因刻志躬經史忘形下緡紳座無絕纓客
門有曳裾賓楚醴朝朝設梁園事事新心於業遂廣
性以學而淳禮樂河間竝文章子建隣八公傳訣日
三老述年晨瑞霧濛朱閣香塵擁畫輪筵開金玳瑁
煙裊玉麒麟避地淹叢桂停雲詠大椿力耕知稼實
苦節愧儒珍欲振扶搖翮其如潦倒身呂嵇子之罵

終擬託雷陳

陶行人宅贈

大道僧門對蕭然陶舍深未論五楊柳真懸一素琴
坐向霜烟夕時聞鴻鴈音城笳流海思邊月起秋陰
苦勸蒙騰醉應懷長別心但看得雲翼冥冥誰竟尋

漢上遇鍾叅政

長安一爲別十載但書傳我自河南至君來自沔川
偶逢知萬事重會是何年館靜風依馬江鳴雨濯船
情多看轉默酒後惜分眠明發孤帆疾愁經大別邊

登盤山頂顧望三湖

爲訪三湖寺春山獨自來千盤不到頂萬壑劃爭廻

空同集

卷二十八

一十三

石罅鳴鷄犬林風過虎豺俯觀侯趙樹西望白雲臺
峯日明寒雪谿泉激暗雷若非武陵口那得有桃開

